

書

1111

1111

西域列傳第二百四十六上

唐書百四十一

端明殿學士兼翰林侍讀學士龍圖閣學士朝議大夫
守尚書吏部侍郎充集賢殿脩撰自宋 祁奉 敕撰

淫淩羅直吐蕃之西樂陵川土多赤銅犂牛俗翦
髮逮眉穿耳植以簞角石角緩至肩者為姣好無匕
筋攬而食其器皆用銅其居屋畫壁俗不知
牛耕故少田作習商賈一幅布一以身日數盥浴重
博戲通推步曆術祀天神鑄石為象日浴之烹羊
以祭鑄銅為錢面文人形背牛馬形其君服珠頗
黎車渠珊瑚琥珀重纓耳金鈎玉璫佩寶伏突

御師子大牀燎香布花於堂而大臣坐地不藉左
右持兵數百列侍宮中有七重樓覆銅瓦楹極
皆大珮雜寶四隅置銅槽下有金龍口激水仰注
槽中初王那陵提婆之父為其叔所殺提婆出奔
吐蕃納之遂臣吐蕃貞觀中遣使者李義表到天
竺道其國提婆大喜延使者同觀阿耨波泥池池
廣數十丈水常溢沸其傳早涼未始耗溢或抵以
物則生煙金其上少選可熟二十一年遣使入獻
波穢駝菜渾提葱永徽時其王尸利那連施羅
又遣使入貢

党項漢西羌別種魏晉後微甚周滅宕昌鄯至而
党項始彊其地古析支也東距松州西葉護南春
桑迷桑等羌北吐谷渾處山谷崎嶇大抵二千里
以姓別為部一姓又分為小部落大者萬騎小數
千不能相統故有細封氏曹聽氏往利氏頗超氏
野辭氏房當氏米禽氏拓拔氏而拓拔最取彊土者
有棟宇織鞞尾羊毛覆屋歲一易俗尚武無法令
賦役人壽多過百歲然好為盜更相剽殺尤重復
讎未得所欲者蓬首如頭跣足草食殺已乃復男
女衣裘褐被氍毹畜羴牛馬驢羊以食不耕稼地寒

五月草生八月霜降無文字候草木記歲三年一
相聚殺牛羊祭天取交他國以釀酒妻其庶母伯
叔母兄嫂子弟婦惟不娶同姓老而死子孫不哭
少死則曰天枉乃悲貞觀三年南會州都督鄭元
璠鑄諭其酋細封步賴舉部降太宗璽詔慰撫步
賴因入朝宴錫特異以其地為軌州即授刺史步
賴請率兵討吐谷渾其後諸酋長悉內屬以其地
為岨奉巖遠四州即首領拜刺史有拓拔赤辭者
初臣吐谷渾慕容伏允待之厚與結婚諸羌已歸
向不至李靖擊吐谷渾赤辭屯狼道峽抗王師

氏刺史久且洛生欲諭降之辭白渾主以腹心待
我我不知其佗苦速去且汗吾刀洛生怒引輕騎
破之肅遠山斬首數百級虜雜畜六千帝因其勝
又令約降赤辭從子思頭潛納款其下拓拔細豆
亦降赤辭知宗族攜沮稍欲自歸岷州都督劉師
立復誘之即與思頭俱內屬以其地為懿嗟麟可
三十二州以松州為都督府擢赤辭西戎州都督
賜氏李貢職遂不絕於是自河首積石山而東皆
為中國地後吐蕃寔盛拓拔畏偪請內徙始詔慶
州置靜邊等州處之地乃入吐蕃其處者皆為吐

蕃役屬更號弭藥又有黑党項者居赤水西其長
號敦善王慕容伏允之走也依之及吐谷渾款附
敦善王亦納貢居雪山者曰破丑氏又乃白蘭羌
吐蕃謂之丁零左屬党項右與多彌接勝兵萬人
勇戰鬪善作兵俗與党項同武德六年使者入朝
明年以其地為維恭二州貞觀六年與契苾數十
萬內屬永徽時特浪生羌十樓大首領凍就率眾
來屬以其地為劍州龍朔後白蘭春桑及白狗羌
為吐蕃所臣藉其兵為前驅白狗與東會州接勝
兵纔十人在西北者云
中內附戶凡二十萬以

其地為朝吳浮歸十州散居靈夏間至德末為吐
蕃所誘使為鄉導鈔邊俄
唐更來朝願助靈州
饒輓乾元間中國數亂因寇邠寧二州肅宗詔郭
子儀都統朔方邠寧鄜坊節度事以鄜州刺史杜
冕邠州刺史桑如珪分二隊出討子儀至党項潰
去上元元年在涇隴部落十萬眾詣鳳翔節度使
崔光遠降二年與渾奴刺連和寇寶雞殺吏民掠
財珍焚大散關入鳳州殺刺史蕭悅節度使李鼎
追擊走之明年又攻梁州刺史李勉走進寇奉天
大掠華原同官去詔臧希讓代勉為刺史於是歸

順乾封歸義順化和寧和義保善寧定羅雲朝鳳
凡十州部落訶希讓獻款正節印詔可僕固懷恩
之叛誘党項渾奴刺入寇衆數萬掠鳳翔蓋屋大
酋鄭廷郝德入同州刺史韋勝走節度使周智光
破之澄城閱月又入同州焚官私室廬壁馬蘭山
郭子儀遣兵龍襲之退保三堡子儀遣慕容休明諭
降廷德子儀以党項吐谷渾部落散處鹽夏等州
其地與吐蕃濱近易相為月即表徙靜邊州都督夏
州樂容等六府党項于銀州之北夏州之東寧朔
州吐谷渾住夏西以離之召靜邊州大首領左

羽林大將軍拓拔朝光等五刺史入朝厚賜資使
還發其部先是慶州有破丑氏族三野利氏族五
把利氏族一與吐蕃姻接贊普悉王之因是擾邊
凡十年子儀表工部尚書路隋為朔方留後將
作少監梁進用為押党項部出洛使置行慶州且言
党項陰結吐蕃為變可遣使招慰安其反謀因
今進用為慶州刺史嚴邏以絕吐蕃往來道代宗
然之又表置靜邊等州都督長史永平
旭定清寧寧保忠順靜塞萬善等七州都督府於
是破野利把利十部及思樂州刺史拓拔乞梅

等皆入朝宣定州刺史折磨布落芳池州野利部
並從綏延州大曆末野利禿羅都與吐蕃叛招餘
族不應子儀擊之斬禿羅都而野利景庭野利剛
以其部數千人附維子川六州部波苈曰野利越
詩野利龍兒野利嚴律兒黃野海野空等居慶州
者號東山部夏州者號平夏部永泰後稍徙石州
後爲永安將阿史那思諫賊索無極遂亡走河西
元和時復置宥州護党項至大和中復疆數寇掠
然器械鈍苦畏唐兵精則以善馬賄鎧甲羊骨弓
矢鄜坊道軍糧使李石表禁商人不得以旗幟甲

甲五兵入部落言者舉罪人財罪之至開成未種
涇州擊言買人齊納寶鬪羊馬藩鎮集其利疆市
之或不得直部人怨相率爲亂至靈鹽道不通武
宗以侍衛史爲使招定分三印以邠寧延慶崔彥
曾鹽夏長澤屬李鄜靈武麟勝屬鄭質皆緋衣銀
魚而功不克宣宗大中四年內掠邠寧詔鳳翔李
業河東李拭合節度兵討之宰相白敏中爲都統
帝出近苑或以竹一箇植舍外見纒尺許遠且百
步帝驚二矢曰兇羌窮寇仍歲暴吾鄙今我約射
竹中則彼當自立不中我且索天下兵翦之終不

以此賊遺子孫左右注日帝一發竹分天徹諸外
左方呼萬歲不閱月荒果破殄餘種竄南山始天
寶未平夏部有戰功擢容州刺史天柱軍使具裔
孫拓拔思恭咸通末竊據宥州稱刺史蓋巢入長
安與鄜州李孝昌相持而次牲誓討賊信宗賢之以
為左武衛將軍權知夏綬銀節度事次王擣為巢
所敗更與鄜畋四節度盟屯渭橋中和二年詔為
京城西面都統檢校司空同中書門下平章事俄
進四回都統權知京兆尹賊平兼太子太傅封夏
國公賜姓李嗣襄王熈之亂詔思恭討賊兵不出

卒以弟思諫代為定難節度使思諫為保大節度
鄜坊丹翟等州觀察使並檢校司徒中書門下
平章事王行瑜反以思諫為北面招討使思諫東
北面招討使思諫亦因亂取鄜州遂為節度使累
兼侍中以老薦弟思敬為保大軍兵馬留後俄為
節度使

東女亦曰蘇伐刺挈瞿咄羅羌別種也西海亦有
女自王故稱東別之東與吐蕃党項茂州接西屬
三波訶北距于闐東南屬雅州羅女蠻百狼夷東
西行盡九日南北行盡二十日有八十城以女為

唐書列傳百四十一
君居康延川巖險四繚有弱水南流縫革爲毳戶
四萬勝兵萬人王號賓就官曰高霸黎猶言宰相
也官在外者率男子爲多凡號令女官自內傳男
官受而行王侍女數百五日一聽政王妃國人以
金錢數萬納王族求淑女二立之次爲小王三妃
因以爲嗣或姑妃婦繼無算其傳所居昆丘重屋三九
層國人六層王服青毛綾裙袖青皂袖委於地冬
羔裘飾以文錦爲小髻髮髻耳垂璫足曳鞞鞞鞞鞞
履也俗輕男子女貴者咸有侍男被髮以青塗面
惟務戰與耕而已子從母姓地寒宜麥畜羊馬出

黃金風俗大抵與天竺同以十一月爲正平者以
十月詣山中布糶爰呪呼羣鳥俄有鳥來如雞狀
剖視之有穀者歲豐不即有災名曰鳥卜居喪三
年不易服不櫛沐貴人死剝藏其皮內骨鑿中糶
金屑成之王之葬殉死至數十人武德時王湯滂
氏始遣使入貢高祖厚報爲突厥所掠不得通貞
觀中使復至太宗墮制慰撫顯慶初遣使高麗黎
文契王子二盧來朝授右監門中郎將其王斂臂
使大臣來請官號武后冊拜斂臂左王鈐衛負外
將軍賜瑞錦服天授開元間王及子冊來朝詔與

宰相宴曲江封王曳夫爲歸昌王左金吾衛大將
軍後乃以男子爲王貞元九年其王湯立悉與白
狗君及哥隣君董那庭浦祖君鄧吉知南水君薛
尚悉曩弱水君董海和悉董君湯息蒼清遠君蘇
唐摩咄霸君董貌達皆詣劍南韋臯求內附其種
散居西山弱水雖自謂王蓋小小部落耳自矢河
隴悉爲吐蕃羈屬部數千戶輒置令歲督絲絮全是
猶上天寶所賜詔書臯處其衆於維霸等州賜牛糧治
生業立悉等入朝差賜官祿於是松州羌二萬口相踵入
附立悉等官刺史皆得世襲然陰附吐蕃故謂兩面羌

高昌直京師西四千里而贏其橫八百里
縱五百里凡二十一城王都交河城漢車
師前王廷也田地城戍已松尉所治也勝兵萬人
土沃麥禾皆再熟有草名白疊擷花可織爲布俗
辨髮垂後其王麴伯雅隋時嘗妻以戚屬宇文氏
女號華容公主武德初伯雅死子文泰立遣使來
告高祖命使者臨弔後五年獻狗高六寸長尺能
曳馬銜燭云出拂菻中國始有拂菻狗太宗即位
獻玄狐裘帝賜妻宇文華鑲一具宇文亦上玉盤
凡諸國施爲輒以聞貞觀四年文泰遂來朝禮賜

厚其字文求預宗籍有詔賜氏李更封常樂公主
久之文泰與西突厥通凡西域朝貢道其國咸見
雍掠伊吾嘗臣西突厥至是內屬文泰與葉護共
擊之帝下詔讓其反覆台大臣冠軍阿史那知計
事文泰不遣使長史麴維來謝罪初大業末華民
多奔突厥及頡利敗有逃入高昌者有詔護送文
泰苛留之又與西突厥之毗設破焉者且二城虜其
人焉者王訴諸朝帝遣御史部郎中李道裕問狀復
遣使謝帝引責曰而主取數年朝貢不入無藩臣禮
擅置官儼效百僚今歲且萬君長悉來而主不至

昔我使人往文泰復曰羅寫飛于天雉竄于蒿貓游
于堂鼠安于穴各得其所豈不快邪西域使者入
貢而主悉拘梗之又詭詐延陀曰既自為可汗與
唐天子等何事拜謁其使明年我當發兵虜而國
歸謂而君善自圖時薛延陀可汗請為軍向導故
民部尚書唐儉至延陀與約帝復下璽書示文泰
禍福促使入朝文泰遂稱疾不至乃拜疾君集為
交河道大總管左屯衛大將軍薛萬均薩孤吳仁
副之契苾何力為葱山道副大總管武衛將軍牛
進達為行軍總管率突厥契苾騎數萬討之羣臣

諫以行萬里兵難得士且天界絕域雖得之不可
守帝不聽文泰謂左右曰曩吾入朝見秦隴北城
邑蕭條非有隋比今伐我兵多則糧餉不逮若下
三萬我能制之度積病鈍以逸待勞卧收其弊耳
十四年聞土師至磧口悻駭無它計發病死子智
盛立君集奄攻田地城契苾何力以前軍慶戰是
夜星墜城中明日拔其城虜七千餘人中郎將平
撩兒以勁騎夜逼其都智盛以書遺君集曰得罪
於天子者先主也各深謹積震墜厥命智成嗣位
未幾公其見赦君集曰能悔禍者當面縛軍門智

盛不答軍進填隍引衝車飛石如雨城中大震智
盛令大將麴士義居守身與綰曹麴德俊謁軍門
請改事天子君集諭使降辭未屈薛萬均勃然起
曰當先取城小兒何與語麾而進智盛流汗伏地
曰唯公命乃降君集分兵略定凡三州五縣二十
二城戶八千口三萬馬四千先是其國人謠曰高
昌兵如霜雪唐家兵如日月日月照霜雪幾何自
殄滅文泰捕謠所發不能得也捷書聞天子大悅
宴君善臣班賜策功赦高昌所部拔其地比皆州縣之
號西昌州特進魏徵諫曰陛下即位高昌最先朝

謁俄以掠西胡過貢獻故王誅加焉文泰死罪止
矣撫其人立其子伐罪弔民道也今利其土屯守
常千人屯士數年一易辦裝資離親戚不十年隴
右且空陛下終不得高昌圭粒咫尺帛助中國費所
謂散有用事無用不納改西昌州曰西州吏置安西
都護府歲調千兵誦罪人以戍黃門侍郎褚遂良
諫曰古者先國夏後夷狄務廣德化不爭荒涼今
高昌誅滅威動四夷然自王師始征河西供役飛
米轉芻十室九匱五年未可復今又歲遣屯戍行
李萬里去者資裝使自營辦賣穀粟傾機杼道路

死亡尚不計罪非人始於犯法終於惰業無益於行所
遣復有亡命官司推逮株蔓相率有如張掖酒泉
塵飛烽舉豈堪高昌一乘一卒及事乎必發隴右
河西耳然則河西為我腹心高昌他人手足也何
必耗中華事無用昔陛下平頡利吐谷渾皆為立
君善盡罪而誅之伏而立之自蠻所以畏威慕德也
今宜擇高昌可立者立之乃曰首領悉還本土長為
藩翰中國不擾書聞不省初文泰以金厚餉西突
厥欲各設約有急為表裏使葉護屯可汗浮圖城
及君集至懼不敢發遂來降以其地為廷州焉者

請歸高昌所奪五城留兵以守君集勒石紀功凱
而旋俘智盛君臣獻觀德殿行飲至禮酺三日徙
高昌豪桀於中國智盛拜左武衛將軍金城郡公
弟智湛右武衛中郎將天山郡公麴氏傳國九世
百三十四年而亡智湛麟德中左驍衛大將軍
為西州刺史卒贈涼州都督有子昭好學有鸞異
書者母顧筭中金歎曰何愛此不使子有異聞乎
盡持易之昭歷司膳卿頗能辭章弟崇裕有武藝
永徽中為右武衛羽府中郎將封交河郡王邑至
三千戶終鎮軍大將軍武后為舉哀祔以美錦賻

賜甚厚封爵絕

吐谷渾居甘松山之陽洮水之西南抵白蘭地數
千里有城郭不居也隨水草帳室肉糧其官有長
史司馬將軍王公僕射尚書郎中皆異慕諸華為之
俗識文字其王椎髻黑冒妻錦袍織裘金璫飾首
男子服長君裘繒冒或冠罽毼婦人辨髮縈後綴珠
具婚禮富家厚納聘貧者竊妻去父死妻庶母兄
死妻嫂喪有服葬已即除民無常稅用不足乃斂
富室商人足而止凡殺人若盜馬者死它罪贖以
物地多寒宜麥菽粟蕪菁出小馬犂牛銅鐵丹砂

有青海者周八九百里中有山須冰合游牝馬其上
上明年生駒號龍種嘗得波斯馬牧于海生駒駒
日步千里故也稱青海驄西北有流沙數百里夏
有熱風傷行人風將發老駝引項鳴埋鼻沙中人
候之以羶蔽鼻口乃無恙隋時其王慕容伏允號
步薩鉢嘗與莫邊煬帝遣鐵勒敗之壁西平復命觀
王雄破其眾伏允以數十騎入泥嶺亡去仙頭王
率男女十餘萬降置郡縣鎮戍以長子順為質因
王之統餘眾俄追還伏允寤覺項隋亂因得復故
地高祖受命順自江都還長安于時李軌據涼州

昔我使人往文泰猥曰
于堂鼠安于穴各得其
貢而主悉拘梗之又諡
唐天子等何事拜謁其
歸謂而君善自圖時薛
民部尚書唐儉至延陀
禍福促使入朝又泰遂
交河道大惣管左屯衛
副之契苾何力為葱山
進達為行軍惣管率

奴當護送順伏允喜引
即遣使請順帝遣之順至
凡遣使者入朝未還即
唐天子等何事拜謁其
亦稱疾有詔止婚遣中郎
州都督李道彥擊走之執
遠名王朝俄寇涼州鄯州
牧馬青海輕兵撓之可盡
段志玄左驍衛將軍柴洛
未至二十里志玄等不欲

諫以行萬里兵難得上
守帝不聽文泰謂左右
邑蕭條非有隋比今伐
三萬我能制之度磧而
十四年聞王師至磧口
盛立君集奄攻田地城
夜星隊城中明日拔其
獠兒以勁騎夜逼其都
於天子者先主也各深
未幾公其見赦君集曰
馬走副將李君羨率騎
萬還是特伏允老不能事
八子行人鴻臚丞趙德裕帝
可貞觀九年詔李靖為西
承積石道任城王道宗鄯善
大亮且末道高麗生鹽澤道
徵契必兵擊之党項內屬羌
即伏允夏四月道宗被伏允
允謀入磧殺唐兵燒野草故
海近河源古夫有至者伏允

西走未知其在方馬糶糧之難遠入不如按軍鄯
州須馬壯更圖之君集曰不然嚮者段志玄至鄯
州吐谷渾兵輒傳城彼國方完逆殺用命也今虜
大敗斥候無在君臣相失我棄其困可以得志柏
海雖遠可鼓而至也靖曰善分二軍靖與大亮薛
萬均以一軍趣北出其右君集道宗以一軍趣南
出其左靖將薩孤吳仁以輕騎戰曼都山斬名王
獲五百及諸將戰牛心推赤水源獲虜將南昌王
慕容孝推乃收雜畜數萬君集道宗登漢哭山戰烏
海獲名王梁屈葱靖破天柱部落於赤海收雜畜

二十萬大亮得呂王二十雜畜五萬次且末之西
伏允走圖倫磧將託于聞萬均督銳騎追亡數百
里又破之士之水刺馬飲魯君集道宗行空荒二
千里盛夏降霜之水草土糜冰馬秣雪閱月次星
宿川達柏海上塋積石山覽觀河源執失思力馳
破虜車重兩軍會于大非川破邏真谷順之質隋
爲金紫光祿大夫伏允立其弟爲太子順歸常鞅
鞅自以失位欲以功自結天子乃斬天柱王舉國
降伏允懼引千餘騎遁積中衆稍亡從者纔百騎
窮無聊即自經死國人立順爲君稱臣內附詔封

西平郡王號越胡呂烏甘豆可汗帝恐未能定其
國遣李大亮率精兵鎮援順久質華國人不附卒
爲下所殺立其子燕王諾曷鉢諾曷鉢幼大臣爭
權帝詔侯君集就經紀之始請頒曆及子弟入侍
詔封諾鉢河源郡主號烏地也拔勒豆可汗遣淮
陽郡王道明持節冊命賜鼓纛諾曷鉢身入謝遂
請婚獻馬牛羊萬比年入朝乃以宗室女爲弘化
公主妻之詔道明及右武衛將軍慕容寶持節送
公主其相宣王跋扈謀作亂欲襲公主劫諾曷鉢
奔吐蕃諾曷鉢知之引輕騎走鄯城威信王以兵

迎之果毅都尉席君買率兵與威信王共討斬其
兄弟三人國大擾帝又詔民部尚書唐儉中書舍
人馬周持節撫慰高宗立以主故拜駙馬都尉又
獻各馬帝問馬種性使者曰國之最良者帝曰良
馬人所愛詔還其馬公主表請入朝遣左驍衛將
軍鮮于臣濟迎之十一月及諾曷鉢至京師帝又
以宗室女金城縣主妻其長子蘇度摸未拜左領
軍衛大將軍久之摸未死主與父子右武衛大將
軍梁漢王闐盧摸未來請婚帝以宗室女金明縣
主妻之既而與吐蕃相攻上書相曲直並來請師西

子兩不許吐谷渾大臣素和貴奔吐蕃言其情吐
蕃出兵構虛破其衆黃河上諾曷鉢又與公主
引數千帳走涼州帝遣左武衛大將軍蘇定為
安集大使平兩國怨吐蕃遂有其地諾曷鉢請內
徙乾封初更封青海國王帝欲徙其部於涼州之
南山群臣議不同帝難之咸亨元年乃以右威衛
大將軍薛仁貴為邏婆道行軍大總管左衛負外
大將軍阿史那道真左衛
待封副之摠兵
五萬討吐蕃且納諾曷鉢於故廷王師敗於大非
川舉吐谷渾地皆陷諾曷鉢與親近數千帳纒免

三年乃徙浩亶水南諾曷鉢以吐蕃盛勢不抗而
鄯州地狹又徙靈州帝為置安樂州即拜刺史欲
其安且樂云諾曷鉢死子悉立忠死子宣超立聖
歷三年拜左豹騎真外大將軍襲故可汗號餘部
請涼并肅沙等州降宰相張錫與右武衛大將軍
唐休璟議徙其人於秦隴豈靈閒今不得畔去涼
州都督郭元振以為吐谷渾近秦隴則與監牧雜
馴習豐靈又通默啜假仕諸華亦不遷移其姓也
前日孝然自河源軍徙耽爾乙句貴置靈州既
叛乃入紫坊掠群馬蔽夷州將是則遷中土無

益之成驗往素和貴叛去於我無損但失吐谷渾
數十部豈與句貴比郭今降虜非疆服皆突矢刀
棄吐蕃而來宜當循其情為之制也當并肅瓜沙
降者即其所置之因所投而居情易安磔數州則
勢自分順其情分其勢不壞於人可謂善奪戎心
者也歲遣鎮遏使者與宣超兄弟撫護之無令相
侵奪生業固矣有如叛去無損中國詔可宣超死
子贓皓立贓皓死子非立吐蕃復取安樂州而殘
部徙朔方河東詭譎為退渾貞元十四年以朔方
節度副使左金吾衛大將軍慕容復為長樂都督

青海國王襲可汗號復死停襲吐谷渾自晉永嘉
時有國至龍朔三年吐蕃取其地凡三百五十年
及此封崩絕矣

焉耆國直京師西七千里而廣橫六百里縱四百
里東高昌西龜茲南尉犁北烏弋迤漒溉田土宜
黍蒲陶有魚鹽利俗祝髮墮衣戶四千勝兵二千
常役屬西突厥俗尚娛遨二月腊出野祀四月望
日游村七月七日起生祖十月望日王始出為至
歲盡止太宗貞觀六年其王龍突騎支始遣使來
朝自隨亂磧路閉故西域朝貢皆道高昌突厥支

請開大磧道以便行人帝許之高昌怒大掠其邊
西突厥莫賀設與咄陸弩失畢作難來奔咄陸弩
失畢復攻之遣使言狀并貢名馬啞利失可汗立
素善焉耆故倚為援十二年處月處蜜與高昌攻
陷其五城掠千五百人焚廬舍侯君集討高昌遣
使與相聞突騎支喜引兵佐唐高昌破歸向所俘
及城遣使者入謝西突厥臣屈利啜為弟娶突騎
支女遂相約為輔車勢下朝貢安西都護郭孝恪
請討之會王弟頡鼻栗浚準葉護等二人來降帝
即命孝恪為西州道撫管率兵出銀山道以栗浚

準等為鄉導初焉耆所都周三千里四面大山海水縈其外故恃不為虞孝恪倍道絕水夜傳堞邊曙譟而登鼓角轟吐唐兵縱國人獲敗斬千餘級執突騎支更以粟浚準攝國事始帝語近臣曰孝恪以八月十一日詣焉耆閱二旬可至當以二十二日破之使者今至矣我而遽人以捷布聞囚突騎支及妻子送洛陽有詔赦罪屈利啜以兵救焉耆而孝恪還三日矣屈利啜囚粟浚準更使吐屯攝王遣使以告帝曰焉耆我所下爾乃王之邪吐屯懼不敢王焉耆自立粟浚準而從兄薛浚阿那支

自為王號瞎干執栗浚

龜茲殺之阿史那社

尔討龜茲阿那支奔之壁東境抗王師為社尔所禽數其罪斬以徇立突騎支弟婆伽利為王以其地為焉耆都督府婆伽利死國人請還前王突騎支高宗許之拜左衛大將軍歸國死龍嬾突立武后長安時以其國小人寡過使客不堪其勞詔四鎮經略使禁止謙使私馬無品者肉食開元七年龍嬾突死焉吐拂延立於是十姓可汗請居碎葉安西節度使湯嘉惠表以焉耆備四鎮詔焉耆龜茲疏勒于闐征西域賈各食其征由北道者輪臺

征之訖天寶常朝賀

龜茲一曰立茲一曰屈茲東距京師七千里而羸
自焉耆西南步二百里度小山經大河二又步七
百里乃至橫千里縱六百里土宜麻麥杭稻蒲陶
出黃金俗善歌樂旁行書貴浮圖法產子以木壓
首俗斷髮齊頂惟君不翦髮姓白氏居伊羅盧城
北倚阿揭田山亦曰白山常有火王以錦冒頂錦
袍寶帶歲朔鬪羊馬橐它七日觀勝負以下歲盈
耗云葱嶺以東俗喜淫龜茲于闐置女肆征其錢
高祖受禪王蘇伐勃駛遣使入朝會死子蘇伐疊

立號時健莫賀俟利發貞觀四年獻馬太宗賜
書撫慰加等後臣西突厥郭孝恪伐焉耆乃遣兵
與焉耆影接白是不朝貢蘇伐疊死弟訶黎布
失畢立二十一年兩遣使朝貢然帝怒其佐焉耆
叛議討之是夜月食昏卯詔曰月陰精用刑兆也星
胡分數且終乃以阿史那社爾為崑丘道行軍大
摠管契苾何力副之率安西都護郭孝恪司農卿
楊弘禮左武衛將軍李海岸等發鐵勒十三部兵
十萬討之社爾分五軍掠其北執焉耆王阿那支
龜茲大恐酋長皆棄城走社爾次磧石去王城三

百里先遣伊州刺史韓威以千騎居前右驍行將軍曹繼叔次之至多褐與王遇其將羯獵顛兵五萬合戰威爲北王見威兵少麾而退威退與繼叔合還戰大破之追奔八十里王嬰城社爾將圍之王引突騎西走城遂拔孝恪居守沙州刺史蘇海政行軍長史薛萬備以精騎窮躡六百里王計窮保撥換城社爾圍之閱月執王及羯獵顛其和那利夜逸以西突厥并國人萬餘來戰孝恪及子死之王師擾倉部郎中崔義起募兵戰城中繼叔威助擊之斬首三千級那利敗喪亡散復振還龍襲王

師繼叔棄之斬八千級那利走或執以詣軍社爾凡破五大城男女數萬遣使者諭降小城七百餘西域震懼西突厥安兩國歸軍饑焉社爾立王弟葉護王其國勒石紀功書聞帝喜見羣臣從容曰夫樂有幾朕嘗言夏之土城竹馬童兒樂也飭金翠羅紈婦人樂也賀遷有無商賈樂也高官厚秩士大夫樂也戰無前敵將帥樂也四海寧一帝王樂也朕今樂矣遂徧觴之初孝恪之擊焉者也龜茲有浮屠善數數曰唐家終有西域不數年吾國亦亡社爾執訶黎布失畢那利羯獵顛獻太廟帝受

傳紫微殿帝責謂君臣皆頓首伏詔赦罪改館鳴
臚寺拜布失畢左武衛中郎將始徙安西都護於
其都統于闐碎葉疏勒號四鎮高宗復封訶黎布
失畢為龜茲王與那利羯獵顛還國久之王來朝
那利悉其妻阿史那王不能禁左右請殺之由是
更猜忌使者言狀帝并召至京師囚那利護遣王
還羯獵顛拒不內遣使降賀魯王不敢進悒悒死
詔左屯衛大將軍楊胄發兵禽羯獵顛窮誅部黨
以其地為龜茲都督府更立子素稽為王授右衛
衛大將軍為都督是歲徙安西都護府於其國以

故安西為西州都督府即拜左驍衛大將軍兼安
西都護麹智湛為都督西域平帝遣使者分行諸
國風俗物產詔許敬宗與史官譔西域圖志上元
中素稽獻銀頗羅名馬天授三年王延田跌來朝
始儀鳳時吐蕃攻焉耆以西四鎮皆沒長壽元年
武威道摠管王孝傑破吐蕃復四鎮地置安西都
護府於龜茲以兵三萬鎮守於是沙磧荒絕民供
費糧苦甚議者諸棄之武后不聽都護以政績稱
華狄者田揚名郭元振張孝嵩杜暹云開元七年
王白莫苾死子多而立改名孝節十八年遣弟孝

義來朝自龜茲羸六百里踰小沙磧有跋祿迦小國也一曰以墨即漢姑墨國橫六百里縱三百里風俗文字與龜茲同言語少異出細氈褐西三百里度石磧至凌山葱嶺北原也水東流春夏山谷積雪西北五百里至素葉水城北國商胡雜居素葉以西數十城皆立君長役屬突厥自素葉水城至羯霜部國衣氍褐皮氍以繒線領素葉城西四百里至千泉地羸二百里南雪山三垂平陸多泉池因名之突厥可汗歲避暑者其中羣鹿飾鈴鐸可也西羸百里至咀羅私城亦比國商胡雜居有

小城二百本華人爲突厥所掠羣保此尚華語西南羸二百里至白水城原隰膏腴南五十里有箴赤建國廣千里地沃宜稼多蒲陶又二百里即石國

疏勒一曰伏沙環五千里距京師九千里而羸多沙磧少壤土俗尚詭詐生子亦夾頭取褊其人文身碧瞳王姓裴氏自號阿摩支居迦師城突厥以女妻之勝兵二千人俗祠祆神貞觀九年遣使者獻名馬又四年與宋俱波甘棠貢方物太宗謂房玄齡等曰曩之一天下克勝四夷惟秦皇漢武耳

唐書列傳卷之六十一
卷之六十一
朕提三尺劍定四海遠夷率服不減二君者然彼
末路不自保公等宜相輔弼毋進諛言置朕於危
亡也儀鳳時吐蕃破其國開元十六年始遣大理
正喬夢松攝鴻臚少卿冊其君安定爲疏勒王天
寶十二載首領裴國良來朝授折衝都尉賜紫袍
金魚朱俱波亦名朱俱槃漢子合國也并有西夜
蒲犁依耐得若四種地直于闐西千里葱嶺北三
百里西距喝盤陀北九百里屬疏勒南二千里女
國也勝兵二千人尚浮屠法文字同婆羅門甘棠
在海南崑崙人也喝盤陀或曰漢陀曰渴館檀亦

謂渴羅陀由疏勒西南入劍末谷不忍領六百里
其國也距瓜州四五百里直朱俱波西南距懸
度山北抵疏勒西接護密西北判汗國也治葱嶺中
都城負徒多河勝共千人其王本疏勒人世相承
爲之西南即頭痛山也葱嶺俗號極疑山環其國
人勁悍貌言如于闐其法殺人剽劫者死餘得贖
賦必輸服飾王坐人牀後魏太延中始通中國貞
觀九年遣使者來朝開元中破平其國置葱嶺守
捉安西極邊戍也

于闐或曰瞿薩旦那亦曰渙那四屈丹北狄曰于

唐書列傳百四十一
道諸胡曰豁且距京師九千七百里瓜州羸四千
里并有漢戎盧汗彌渠勒皮山五國故地其居曰
西山城勝兵四千人有玉河國人夜視月光盛處
必得美玉王居繪室俗機巧言迂大喜事祿神浮
屠法然貌恭謹相見皆跪以木爲筆土爲印凡得
問遺書戴于首乃發之自漢武帝以來中國詔書
符節其王傳以相授人喜歌舞工紡績西有沙磧
鼠大如蝟色類金出入羣鼠爲從初無彘蠶正隣
國不肯出其王即求婚許之將迎乃告曰國無帛
可持蠶自爲衣女閭置蠶帽絮中關守不敢發自

是始有蠶女刻石約無穀蠶蛾飛盡得治繭王姓
尉遲氏名屋密本臣突厥占具觀六年遣使者入獻
後三年遣子入侍阿史那社尔之平龜茲也其王
伏闕信大懼使子獻橐它二百長史薛萬備謂社
尔曰公破龜茲西域皆震恐願假輕騎羈于闐王
獻京師社尔許之至于闐陳唐威靈勸入見天子
伏闕信乃隨使者來會高宗立授右衛大將軍子
葉護玷爲右驍衛將軍賜袍帶布帛六千段第一
區留數月遣之請以子弟宿衛上元初身率子弟
酋領七十人來朝擊吐蕃有功帝以其地爲毗沙

都督府析十州授伏闍雄都督其武后立其子璆
開元時獻馬駝豹璆死復立尉遲伏師戰為王死
伏闍達嗣奔冊其妻執夫為妃死尉遲珪嗣妻馬
為妃珪死子勝立至德初以兵赴難因請留宿衛
乾元三年以其弟左監門衛密葉護驍為大僕食
外卿同四鎮節度副使權知本國事勝自有傳于
闐東三百里有建德力河七百里王有精絕國河之
東有汗彌居達德力城亦曰拘彌城即寧彌故城
皆小國也初德宗即位遣內給事朱如玉之安西
求玉於于闐得圭一珂佩五枕一帶胯三百簪四

十奩三千劍十杵三瑟瑟百斤并它寶等及還詔言
假道回紇為所奪久之事泄得所市流死恩州
天竺國漢身毒國也或曰摩伽陀曰波安羅門去京
師九千六百里都護治所二千八百里居葱嶺南
幅員三萬里分東西南北中五天竺皆城邑數百
南天竺瀕海出師子豹狸麋它犀象火齊琅玕石
蜜黑鹽北天竺距雪山圍抱如壁南有谷通為國
門東天竺際海與扶南林邑接西天竺與罽賓波
斯接中天竺在四天竺之會都城曰茶縛和羅城
濱迦毗黎河有別城數百皆置長別國數十置王

曰合衛曰迦沒路開戶比皆東嚮曰迦戶或曰波婆羅
奈亦曰波羅那斯其畜有稍割牛黑色角細長四
尺許十日一割不然困且死人飲其血或曰壽五
百歲牛壽如之中天竺王姓乞利陁氏亦曰刹利
出有其國不算殺十溥執稻歲四熟米之長者沒
稟心以貝齒為貨有金剛旃檀鬱金與之秦扶南
交趾相貿易人富樂無簿籍耕三地者乃輸稅以舐
足摩踵為致禮家有奇珍馭伎王大臣皆服錦罽
為螺髻於頂餘髮剪使卷屈力子穿耳垂瑠璃或懸金
耳綬者為上類徒跣衣重白婦人項飾金銀珠纓

絡死乃白髮殷取次寢室以或委野中及河俱為狀
魚鱗無要統謀反者幽於之小獄刑錢不孝者斷
手足割耳鼻徙下邊有十公子善步習學米曰墨草妻
曰兌天法書具多棄以詔事尚浮圖法不殺士飲
酒國中處處指曰佛故跡也信明世傳示究能致
龍起雲雨降瑞帝時遣裴矩通西域諸國獨天竺
拂菻不至為恨武德中國大亂士以羅遠多勳兵
戰無前象不弛數士不釋甲因討四天下皆北而
臣之會唐浮屠為玄奘入其國乃羅遠多之見曰而
國有聖人出作秦王破陣樂武為我三皇上為人玄

英祖三太宗據武平禍亂四夷賓服狀三言曰我
富東函朝之貞觀十五年自滿摩迦陀王遣使者
上書帝命雲騎尉梁懷敬持節射無日羅浼多鷲
問國人自古亦有摩訶震且八山出迎朕特受詔書
無有疾言中國為摩訶震且八山出迎朕特受詔書
戴之頂復遣使者隨入朝詔新制承天表表報之
大臣郊迎傾都邑從朝道場上焚香八羅浼多鷲
臣東而受詔書復獻火味燄金衣海樹二十二年
遣右衛軍府長史王玄策使其國以將師仁為副
未至乃羅浼多鷲國亂其臣那伏帝阿羅摩
羅

自立發兵拒玄策時從騎縋數十戰不勝皆沒遂
剽掠國寶物玄策挺身奔吐蕃西鄙徵召隣國兵
討番以兵千人來與玄策羅浼以七千騎來玄策部分
進戰茶錦羅成三日斃之斬首三千級溺水死
萬人向羅那順本國之合故立復碑師仁禽之俘
斬千計餘眾奉王妻息且就所備江師仁擊之大
潰獲其妃王子虜男女萬二千入雜畜三萬降虜
邑五百八十所東天竺王尸鳩摩送牛馬三萬饒
軍及弓刀寶器絡迦路國獻異物并土地圖請
乞子象云使東執阿羅那順獻闕下有司告宗廟帝

曰夫人日日玩習色口鼻晚臭味此敗德之原也
婆羅門不劫五使若空在停虜邪摧玄策朝於大
夫得方士那邏瀛婆婆寐自言壽二百歲有不死
術帝改旌使治丹命兵部尚書崔敦禮護視使者
馳天下来怪樂異石又使者走婆羅門諸國所請
畔茶法水者出石中有五象人守之水有七種
色或熱或冷能銷草木金鐵人手入輒爛以靈宅
觸體轉注氣中有樹名阻物羅葉加梨生窮山崖
腹前有口懸守穴不可到欲取葉者以方鏃矢射
枝則落爲鳥身去則又射乃得之其說頗類如

蘇利城一曰曹揭斃城東北有達羅羅川即泉
舊地貞觀十六年其王達摩因陀訶斯遣使者獻
龍腦香璽書優答大食與烏菴東都接開元中數
誘之其王與骨出俱位二王不肯臣玄宗命使者
冊爲王音末拔國或曰音草揭拔本西羌種居悉立
西南四山中後從山西與東天竺接衣服略相類
因附之地袤八九百里勝兵二千人無城郭好鈔
暴尙慈惠之貞觀二十年其王羅利多苦伽因悉
立國遣使者入朝玄宗策之討中天竺發兵聚赴有
功由是職貢不絕悉立當以蕃西南戶九萬城邑

多受澗谿男子縮束頭衣襖裙婦人辨髮短裙昏
如不以財聘其穀宜稅稍麥豆死者葬于野不封
樹衣制爲黑木滿年而除刑有別國常鬻鬻其香
麴實隋增國也居葱嶺南距京師萬二千里而羸
南距今徠二千里王居脩鮮城宮後爲夏月氏地
暑濕人乘象俗治浮屠法武德二年遣使貢寶帶
金鎖水精醜頰黍狀若酸棗者貞觀中獻名馬太宗
語大臣曰朕始即位或言天子欲耀兵振伏四夷
惟魏徵勸我脩文德安中夏中貢安遠人伏矣今
天下大安四夷君長皆來獻此徵力也遣果毅何

處羅拔等厚賜其國并撫尉天竺西羅拔等
賓王東向稽首拜仍遣人導護使者至天竺下
六年獻褥特鼠象尖尾赤能食蛇螫者嗅且尿瘡
即愈國人共傳王始祖曰誓孽至身頡支傳十二
世顯慶三年以其地爲脩鮮都督府神龍初拜其
王脩鮮等十一州諸軍事脩鮮都督開元七年遣
使獻天文及秘方音藥天子冊其王爲葛羅達支
特勒後烏散特勒灑年老請以子拂菻爲嗣聽
之天寶四載冊其子勃匄準爲契爾賓父烏長國
王乾元初使者朝貢

西域列傳第一百四十六上

西域列傳第一百四十六下

唐書二百二十二下

端明殿學士兼翰林侍讀學士龍圖閣學士朝請大夫

守尚書大印侍郎充集賢館校書郎中初奉 敕撰

康者曰薩末鞬亦曰颯秣建元魏所謂悉萬斤者其南距
史百五十里西北距西曹百餘里東南屬米百里北中
曹五十里在那密水南大城二十小堡三百君姓以本
月氏人始居和連北昭武城為突厥所破稍南依葱
嶺即有其地枝庶分王曰安曰曹曰石曰米曰何曰火
尋曰戊地曰史世謂九姓皆氏昭武土沃宜禾出善
馬立疆諸國人老日酒好歌舞于道王帽羶飾金雜寶

女子盤髻幪黑巾綴金鸞生兒以石密啖之置膠
於掌欲長而其言持珎若黏云習勞行善善商賈
好利丈夫年二十六去傍國利所在無不至以十二月
為歲首尚淳國法祠祆神出機巧技十一月設舞
乞寒以水交潑為樂隋時其王屈木枝娶西突厥
女遂臣突厥武德十年始遣使來獻其觀五年
遂臣太宗曰朕惡取虛名害百姓且康臣我緩急
當同其憂師行萬里寧朕志邪卻不受俄又遣
使獻師子獸帝珍其遠命秘書監虞世南作
賦自是歲入貢致金排

銀挑詔令植苑中高宗永徽時以其地為康居都
督府即授其王拂呼縵為都督萬歲通天中以大
首領篤娑鉢提為王死子涅涅師師立死國人立
突昏為王開元初貢鎖子鎧水精杯碼碯瓶駝鳥
卵及越諾侏儒胡旋女子其王烏勒伽與大食亟
戰不勝來乞師天子不許久之請封其子咄曷為
曹王默啜為米王詔許烏勒伽死遣使立咄曷封
欽化王以其母可敦為郡夫人安者一曰布豁又
曰捕喝元魏謂忸蜜者東北至東安西南至畢皆
百里所西瀕烏澗河治阿濫諡城即康居小君長

罽王故地大城四十小堡千餘募勇健者爲拓羯
拓羯猶中國言戰士也武德時遣使入朝貞觀初
獻方物太宗厚尉其使曰西突厥已降商旅可行
矣諸胡大悅其王訶陵迦又獻名馬自言一姓相
承二十一世云是歲東安國亦入獻言子姓相承
十世云東安或曰小國曰喝汗在那密水之陽東
距何二百里許西南至大安四百里治喝汗城亦
曰篋斤大城二十小堡百顯慶時以阿濫爲安息
州即以其王昭武殺爲刺史篋斤爲木鹿州以其
王昭武閉息爲刺史開元十四年其王篤薩波提

遣弟阿悉爛達拂乾發黎來朝納馬豹後八年獻
波斯驢二拂蘇繡毼一鬱金香石蜜等其妻可
敦獻拓碎大毼毼一繡毼一巧賜袍帶鎗仗及
可敦往襦裝澤東曹或曰率都沙那蘇對沙那劫
布咀那蘇都識匿凡四名居波悉山之陰漢貳師
城地也東北距俱戰提二百里北至石西至康東
北寧遠皆四百里許隋至吐火羅五百里有野又
城城有巨窟嚴以關鑰歲再祭人向窟立中即煙
出先觸者死武德中與康國遣使入朝其使曰本
國以臣爲健兒聞秦王神武欲隸麾下高祖大悅

西曹者隋時曹也南接史及波覽治瑟底痕城東北越于底城有得悉神祠國人事之有金具器款其左曰漢時天子所賜武德中入朝天寶元年王哥邏僕羅遣使者獻方物詔封懷德王即上言祖考以來奉天可汗願同唐人受調發佐天子征討十一載東曹王設阿忽與安王請擊黑突大食玄宗尉之不聽中曹者居西曹東康之北王治迦底真城其人長大工戰鬥石或曰柘支曰柘折曰諾時漢大宛北鄙也去京師九千里東北距西突厥西北波臘南二百里所抵俱戰提西南五百里康

也圓千餘里石涯素葉河王姓石治柘折城故康居小王窳匿城地西南有藥殺水入中國謂之真珠河亦曰質河東南有大山生瑟瑟俗善戰多良馬隋大業初西突厥殺其王以特勒匐職統其國武德貞觀間數獻方物顯慶三年以瞰羯城爲大脫都督府授其王瞰土屯攝舍提於屈昭穆都督開元初封其君莫賀咄咄屯有功爲石國王二十八年又冊順義王明年王伊捺吐屯屈勒上言今突厥已屬天可汗惟大食爲諸國患請討之天子不許天寶初封王子那俱車皐施爲懷化王賜鐵

券久之安西節度使高仙芝劾其無番臣禮請討
之王約降仙芝遣使者護送至開遠門俘以獻斬
闕下於是西域皆怨王子走大食乞兵攻怛羅斯
城敗仙芝軍自是臣大食寶應時遣使朝貢有碎
葉者出安西西北千里所得勃達嶺南抵中國北突
騎施南部也西南直葱嶺贏二千里水南流者經
中國入于海北流者經胡入于海北三日行度雪
海春夏多雨雪絲勃達嶺北行贏千里得細葉川
東曰熱海地寒不凍西有碎葉城天寶七載北廷
節度使王正見伐安西毀之川長千里有異姓突

厥兵數萬耕者皆擐甲相掠為奴婢西屬怛羅斯
城石常分兵鎮之自此抵西海矣三月訖九月未
嘗雨人以雪水澆田石東南千餘里有怖捍者山
四環之地膏腴多馬羊西千里距堵利瑟那東臨
葉葉水水出葱嶺北原色濁西北流入大磧無水
草望大山尋遺崗知所指五百餘里即康也米或
曰彌末曰弭秣賀北百里距康其君治鉢息德城
永徽時為大食所破顯慶三年以其地為南謚州
授其君昭武開拙為刺史自是朝貢不絕開元時
獻璧舞筵師子胡旋文十八年大首領末野門來

朝天寶初封其君為恭順王母可敦郡夫人何或
曰屈霜你加曰貴霜匿即康居小王附墨城故地
城左有重樓北繪中華右帝東突厥婆羅門西波
斯拂菻等諸王其君且詣拜則退貞觀十五年遣
使者入朝永徽時上言聞唐出師西討願輸糧于
軍俄以其地為貴霜州授其君昭武婆達地刺史
遣使者鉢底失入謝火尋或曰貨利習彌曰過利
居烏許水之陽東南六百里距戍地西南與斯
接西北指突厥曷薩乃康居小王奧隸城故地其
君治急多颯遮城諸胡惟其國有車牛商賈乘以

行諸國天寶十載君稍施芬遣使者朝獻黑鹽
寶應時復入朝史或曰佉沙曰渴霜那居獨莫水
南康居小王蘇薤城故地西百五十里距那色波
北二百里屬米南四百里吐火羅也有鐵門山左
右巉峭石色如鐵為關以限二國以金銅鑿城有
神祠每祭必千羊用兵類先禱乃行國有城五百
隋大業中其君狄遮始通中國號最疆盛築乞史
城地方數千里貞觀十六年君沙瑟畢獻方物顯
慶時以其地為佉沙州授君昭武失阿喝刺史開
元十五年君忽必多獻舞女文豹後君長數死立

然者領時時入朝天寶中詔改史為來威國那色
波亦曰小史蓋為史所役屬居吐火羅故地東阨
葱嶺西接波刺斯南雪山循總芻水北有咀蜜種
亦自國東西六百里所又東踰四種有鑊沙者廣
三百里長五百里東界骨咄接葱嶺有十八種南
有揭職稍大幅負準千里陵阜連屬多菽麥氣寒
烈東南抵雪山六百里道吐火羅又踰五種至婆
羅覩邏北踰山行六百里得烏菴種東北行二百
里至河波羅水水西南流春夏涸凍比歷十二種
有婆羅吸摩補羅最大種縣地四千里山周其外

土沃產鎔水精北大雪山即東女也歷十九種得
摩揭陀又東過四種踰大河有迦摩縷波皆阪險
地接西南夷其人類蠻狽行二月叩蜀南邊其東
南野象羣暴故戰用象軍又南歷三十二種有狼
揭羅耆地大數千里其君治窳菟黎濕伐羅城西
北即波刺斯傳言廣萬里王治蘇刺薩儻那城土
溫溽引水為田人富饒出金銀水精多工巧織錦
褐氍毹產善馬橐它人服錦氍賦稅口出四銀錢
又以交易西北距拂菻西南際海島有西女種皆
女子多珍貨附拂菻拂菻君長歲遣男子配焉俗

產男不舉又有臂多勢羅四種西北踰大山廣川
歷小城聚行二千里即謝颺也北五百里有弗栗
特薩儻那地橫二千里縱千里其君突厥種治護
必那城東北大雪山盛夏常凍鑿冰乃可度下有
安咀羅縛耆地三千里西北踰嶺四百里有闊悉
多西北三百里有活種犬二千里此二種皆居吐
火羅故地臣于突厥君亦突厥種主鐵門南諸戎
遠徙不常東又有七種東南峽道險甚無慮三百
里得俱蘭東北山行五百里即護密北識匿也南
有商彌地大二千里而羸多蒲陶生雌黃也

得東北踰山七百里至波羅羅川東西千里南北
百里春夏雨雪南有鉢露種多紫金行五百里有
羯盤陀東行八百里出葱嶺又八百里至烏鐵環
千里出白鬣青三種玉君長世臣羯盤陀北徑積
曠野五百里得疏勒東南五百里濟徒多水踰大
沙嶺有斫句迦種或曰沮渠地千里東踰嶺八百
里即于闐也東有媿摩川度磧行二百里得尼壤
城在大澤中地墊洳蘆芟荒茂行者鑿道趣城通
于闐而于闐以為東關又東行入大流沙人行無
跡故往返輒迷聚遺骸以識道無水草多熱風觸

人及六畜皆迷仆行四百里至故都邏又六百里
至故折摩馱那古且末也又千里至故納縛波古
樓蘭也自五帝以下諸種相與羣聚華人皆以國
名之故未嘗與唐通傳記雜詭不可得而考然其
地與諸國相連屬粗序其名云

寧遠者本拔汗那或曰鏐汗元魏時謂破洛那去
京師八千里居西鞬城有真珠河之北有大城六
小城百人多壽其王自魏晉相承不絕每元日王
及首領判二朋朋出一人被甲鬪衆以瓦石相之
有死者止以下歲善惡貞觀中王契苾爲西突厥

轍莫智只咄所殺阿瑟那鼠匿奪其城鼠匿死子遏
波之立契苾兄子阿了參爲王治呼悶城遏波之
治渴寒成顯慶初遏波之遣使朝貢高宗厚慰諭
三年以渴寒城爲休循州都督授阿了參刺史自
是歲朝貢玄宗開元二十七年王阿悉爛遣千助
平吐火仙冊拜奉化王天寶二載改其國爲寧遠
帝以外家姓賜具二名又封示室女爲和義公
主降之十二載王心節遣子許裕朝請留宿衛習
華禮聽之長在武衛將軍具事唐最謹
大勃律或曰在露直吐蕃西與小勃律接西鄰北

天竺之為長地宜極其金役屬以蕃萬歲通天遠開元
時二遣使者朝故冊其君蘇弗舍利支離泥為王
死又無蘇麟陀逸之嗣王凡再遣大首領貢方物
小勃律去京師九千里而罽東少西二千里距吐
蕃者普牙東八百里罽東長東南二百里大勃律
南五百里三固失密北五百里當護密之邊勒城王
君摩多城臨邊與水其西山顛有大城曰迦布羅
開元初王沒謹心來朝玄宗以兒子畜之以其地
為綏遠軍國前吐蕃數為所困吐蕃言曰我非謀爾
國假道攻四鎮爾父之吐葉羅雀其九城沒謹心

救北廷節度使張孝嵩遣疏勒副使張思禮率統
兵四千倍道往沒謹心因出兵大破吐蕃殺其衆
數萬復九城詔冊為小勃律王遣大首領察卓那
斯摩沒勝入謝沒謹心死子難泥立死兄麻來弓
立死蘇失利之立為吐蕃陰誘妻以女故西北二
十餘國皆臣吐蕃貢獻不入安西都護二討之無
功天寶六載詔副都護高仙芝之伐之前遣將宣帝
元慶馳千騎見蘇失利之曰請假道趨大勃律城
中大西五六皆吐蕃腹心仙芝約元慶五兵到必
走山出詔書召慰賜繒綵綰西領待我元慶如約

蘇失利之挾妻走不得其處仙芝至斬爲吐蕃者
斷安夷橋是暮吐蕃至不能救仙芝約王降遂平
其國於是拂菻大食諸胡七十二國皆震恐咸歸
附執小勃律王及妻歸京師詔改其國號歸仁置
歸仁軍募千人鎮之帝救蘇失利之不誅授右威
衛將軍賜紫袍黃金帶使宿衛

吐火羅或曰土豁羅曰觀在具邏元魏謂吐呼羅者
居葱嶺西烏許河之南古大夏地與挹怛雜處勝
兵十萬國土蕃少女多男北有頗黎山其陽穴中
有神馬國人游牧牝于側生駒輒汗血其王號葉

護武德貞觀時再入獻永徽元年獻大鳥高七尺

色黑足類橐駝翅而行日三百里能噉鐵俗謂駝

鳥顯慶中以其阿緩城爲月氏都督府祈小城爲

二十四州授王阿史那都督後二年遣子來朝俄

又獻碼碯鏡樹高五丈神龍元年王那都泥利遣

弟僕羅入朝以田宿衛開元天寶間數獻馬騾異藥

乾陀婆羅維二百品紅碧玻璃乃冊其君骨出祿頓

達度爲吐火羅葉護挹怛王其後鄰胡羯師謀引

吐蕃攻吐火羅於是葉護失里忙伽羅馬安西兵

助討帝爲出師破之乾元初與西域九國發兵爲

天子討賊肅宗詔隸朔方行營挹怛國漢大月氏之種大月氏爲烏孫所奪西過大宛擊大夏臣之治藍氏城大夏即吐火羅維也噉噉王姓也後裔以姓爲國訛爲挹怛亦曰挹闐俗類突厥天寶中遣使朝貢俱蘭或曰俱羅弩曰屈浪拏與吐火羅接壤地二千里南大雪山北俱魚河出金精琢石取之貞觀二十年其王勿心提婆遣使者來獻書辭類浮屠者語劫者居葱嶺中西及南距餘彌西北挹怛也去京師萬二千里氣常熱有稻麥粟豆畜羊馬俗死棄於山武德二年遣使者獻寶具帶毼絮水

越底延者南三千里距天竺西北千里至餘彌東北五千里至瓜州居辛頭水之北其法不殺人重罪流輕罪放無租稅俗剪髮被錦袍貧者白氎自澡潔氣溫多稻米石蜜

謝颺居吐火羅西南本曰漕矩吒或曰漕矩顛慶時謂訶達羅支武后改今號東距罽賓東北怛延皆四百里南婆羅門西波斯北護時健其王居鶴悉那城地七千里亦治阿娑作城多鬱金瞿草漢泉灌田國中有突厥罽賓吐火羅種人雜居罽賓取其子弟持兵以禦大食景雲初遣使朝貢後遂

臣烈賓開元八年天子冊葛達羅支頡利發誓屈
爾為王至天寶中數朝獻忱延者或曰均王衍曰林元
衍那居斯卑莫運山之旁西北與護時健接東南
距屬賓西南訶達羅支與吐火羅連境地寒人穴
處王治羅爛城有大城四五水北流入烏訶河貞
觀初遣使者入朝顯慶三年以羅爛城為寫鳳都
督府縛時城為悉萬州授王嵩為鳳州都督管內
五州諸軍事自是朝貢不絕石汗那或曰斫汗那
自縛底野南入雪山行四百里得忱延東臨烏訶
河多赤豹開元天寶中一再朝獻

識匿或曰乃棄左曰瑟匿東南直京師九千里東
五百里距葱嶺守捉所南三百里屬護密西北五
百里抵俱蜜初治苦汗城後散居山谷有大谷五
酋長自為治謂之五識匿地二千里無五穀人喜
攻剽劫商賈播蜜川四谷稍不用王號令俗窟室
貞觀二十年與似沒役槃二國使者偕來朝開元
十二年授王布遮波資金吾衛大將軍天寶具載
王跌失伽延從討勃律戰死擢其子都督左武衛
將軍給祿居藩似沒者北接石土俗與康同役槃未
亦與康鄰出良馬俱蜜者洽山中在吐火羅東北

南臨黑河其王突厥延陀種貞觀十六年遣使者
入朝開元中獻胡旋舞女其王那羅延頗言為大
食暴賦天子但尉遣而已天寶時王伊悉爛俟斤
又獻馬護密者或曰達摩來鐵帝曰護區元魏所
謂鉢和者亦吐火羅故地東南直京師九千里而
贏橫千六百里縱狹繞四五里王居塞迦密城北
臨烏許河地寒沍堆阜曲折沙石流漫有豆麥宜
木果出善馬人碧瞳顯慶時以地為烏飛州王沙
鉢羅頡利發為刺史地當四鎮入吐火羅道故役
屬吐蕃開元八年冊其王羅旅伊陀骨咄祿多毗

勒莫賀達摩薩爾為王十六年與米首領燕
同獻方物明年大酋烏鵬達于復朝王死增其從
弟護真檀嗣王二十九年身入朝宴內殿拜左金
吾衛將軍賜紫袍金帶天寶初王子頡吉高請絕
吐蕃賜鐵券八載貢檀來朝請宿衛詔可授右武
衛將軍久乃遣又遣首領朝貢乾元元年王統設
伊俱畢施來朝賜氏李

箇失密或曰迦濕彌邏北距勃律五百里環地四
千里山回縈之它國無能攻伐王治撥邏勿羅布
邏城西瀕彌那悉多大河地宜稼多雪不風出火

珠璣寶金龍種馬俗毛褐世傳地本龍池龍徙水竭
故往君之開元初遣使者朝八年詔冊其王真陀
羅秘利爲王間獻胡藥天木死弟木多筆立遣使
者物理多來朝且言有國以來並臣天可汗受調
發國有象馬步三種兵臣身與中天竺王院吐蕃
五大道禁出入戰輒勝有如天可汗兵至勃律者
雖衆二十萬能輸糧以助又國有摩訶波多磨龍
池願爲天可汗營祠因丐王冊鴻臚譯以聞詔內
物理多宴中殿賜資優備冊木多筆爲王自是歲
貢有常其役屬五種亦名國所謂咀又始羅耆地

二千里有都城東南等七百里得僧訶補羅地三
千餘里亦治都城東南山行五百里得烏剌尸地
二千里有都城宜稼積東南限山千里即箇生密
西南行險七百里得半奴蹉地二千里又得昌邏
闍補羅耆其六四千里有都城多山阜人駃馬五
種皆無君長云

骨咄或曰珂咄羅廣長地千里王治惡助建城多
良馬赤豹有四大鹽山山出烏鹽開元十七年王
侯斤遣子骨都施來朝二十二年王頡利發獻女
樂又遣大首領多博勒達十朝貢天寶十二載冊

其王羅全節為葉護

蘇毗本西羌族為吐蕃所并號孫波在諸部最大東與多彌接西距鵲蕃硤戶三萬天寶中王沒陵贊款舉國內附為吐蕃所殺子悉諾率首領奔隴右節度使哥舒翰謹送開下玄宗厚禮之多亦西羌族役屬吐蕃號難磨濯半牛河土多黃觀六年遣使者朝貢賜遣之伊吾城者漢宜示都尉所治商胡雜居勝兵千附鐵勒人驍悍七次隋末內屬置伊吾郡天下亂臣突厥貞觀四年城酋來朝頡利滅舉七城降列其地為西伊州

師子居西南海中延袤二千餘里有稜伽山多奇寶以寶置洲上商船償直輒取去後鄰國人稍往居之能馴養師子因以名國總章三年遣使者來朝天寶初王尸羅迷迦再遣使獻大珠鈿金寶嬰象齒白蠟

波斯居達過水西距京師萬五千里而羸東與吐火羅東接北隣突厥可薩部西南皆瀕海西北屬四千里拂菻也人數十萬其先波斯匿王大月氏別裔王因以姓又為國號治二城有大城十餘俗尊右下左祠天地日月水火祠夕以麀射捺蘇澤彰

顏鼻耳西域諸胡受其法以祠祇拜必交股俗徒
跣丈夫祝髮衣不剖襟青白為巾帔緣以錦婦髻
髮著後戰乘象一象上百人負則蓋殺斷罪不為
文書決於廷叛者鐵灼其舌瘡白為直黑為曲刑
有髡鉗別削小罪彫或系木于頸寒時月而置劫
盜囚終老冷則著輸銀錢凡死棄于山服闋月除氣
常敵熱地夷漫知耕種畜牧有就鳥鳥能噉羊多善
大驢大驘產珊瑚高二三尺隋末西突厥葉護可
汗討殘其國殺王庫薩和其子施利立葉護使部
帥監統以和利死遂不肯臣立庫薩和女為王突厥

又殺之施利之子單羯方奔拂麻國人迎立之是
為伊怛支死兄子伊嗣俟立貞觀十二年遣使者
沒似半朝貢又獻活潒蛇狀鼠色正青長九寸
能捕穴鼠伊嗣俟不君為大酋所逐奔吐火羅半
道大食擊殺之子卑路斯入吐火羅羅以免遣使者
告難高宗以遠不可師謝遣會大食解而去吐火
羅以兵納之龍朔初又訴為大食所侵是時天子
方遣使者到西域分置州縣以疾陵城為波斯都
督府即拜卑路斯為都督俄為大食所滅雖不能
國咸亨中猶入朝授右武衛將軍死始其子涅涅

師爲質調露元年詔裴行儉將兵護還將復王其國以道遠至安西碎葉行儉還涇涇師因客吐火羅二十年部落益離散景龍初復來朝授左威衛將軍病死西部獨存開元天寶間遣使者上輦獻碼碯牀火毛繡舞筵乾元初從大食襲廣州焚倉庫廬舍浮海走大曆時復來獻又有陀拔斯單者或曰陀拔薩憚其國三面阻山北瀕小海居婁里城世爲波斯東大將波斯滅不肯臣大食天寶五載王忽魯遣使入朝封爲歸信王後八年遣子自會羅來朝拜右武衛員外中郎將賜紫袍金魚

留宿衛爲黑衣火食所滅貞觀後遠小國君遣使者來朝獻有司未嘗參考本末者今附之左方曰火辭彌與波斯接貞觀十八年與摩羅游使者偕朝二十一年有健達王獻佛土菓莖五葉赤華紫須龍朔元年多福王難婆修疆宜說遣使者來朝總章元年有末陀提王開元五年有習阿薩般三安殺並遣使者朝貢七年訶毗施王捺塞因吐火羅大酋羅摩獻師子五色鸚鵡天寶時來朝者曰俱爛那曰舍摩曰城遠曰蘇吉利發屋蘭曰蘇利悉草曰建城曰新城曰俱位凡八國俱位或曰商

彌治阿賒廝師多城在大雪山勃律河北地寒有五穀蒲陶若榴冬窟室國人常助小勃律為中國候新城之國在石北羸百里有弩室羯城亦曰新城曰小石國城後為葛羅祿所并

拂菻古大秦也居西海上曰海西國去京師四萬里在西北直突厥可薩部西瀕海有遼散城東南接波斯地方萬里城四百勝兵百萬十里一亭三亭一置臣役小國數十以名通者曰澤散曰驢分澤散直東北不得其道里東度海二千里至臚分國重石為都城廣十里東門高二十丈鉅以黃金王宮

有三棖門皆飾異室中門中有金巨稱一作金人立其端屬十二丸率時改一丸落以瑟瑟為殿柱水精琉璃為枕香木梁黃金為地象牙闔有寶臣十二共治國王出一人挈囊以從有詔書投衣中還省枉直國有大災異輒廢王更立賢者王冠如鳥翼綴珠衣錦繡前無襟坐金鷲榻側有鳥如鵝綠毛上食有毒輒鳴無陶瓦屑白石墜屋堅潤如玉盛夏引水上流氣為風男子剪髮衣繡右袒而披乘輜軒白蓋小車出入建旌旗擊鼓婦人錦巾家訾億萬者為上官俗喜酒嗜乳餅多幻人能發

火于顏手爲江湖口幡陀舉足墮珠玉有善醫能
開腦出蟲以愈目青土多金銀夜光璧明月珠大
貝車渠碼磤木難孔翠虎魄織水羊毛爲布曰海
西布海中有珊瑚洲海人乘六船墮鐵網水底珊
瑚初生磐石上白如霜一歲而黃三歲赤枝格交
錯高三四尺鐵發其根繫網船上絞而出之矢時
不取即腐西海有市賀易不相見置直物旁名鬼
市有獸名寶大如狗獷惡而力北邑有羊生土中
膠屬地割必死俗介馬而走繫鼓以驚之羔騰絕
即逐水草不能羣貞觀十七年王波多力遣使獻

赤波黎綠金精下詔荅賚大食稍彊遣大將軍以
伐之拂菻約和逐臣屬乾封至大足再朝獻開
元七年因吐火羅大酋獻師子羴羊自拂菻西南
度磧二千里有國曰磨鄰曰老勃薩其人黑而性
悍地瘠蕩無草木五穀飼馬以犒魚人食鶻羴鶻
羴波斯棗也不恥烝報於夷狄最甚號曰尋其君
臣七日一休不出納交易飲以窮夜

大食本波斯地男子鼻高黑而髯女子白皙出輒鄣面
日五拜天神銀帶佩銀刀不飲酒舉樂有禮堂容數百
人率七日王高坐爲下說曰死敵者生天上殺敵受

福故俗勇于鬪土饒礫不可耕獵而食肉刻石蜜
為盧如輦狀歲獻貴人蒲陶大者如雞卵有千里
馬傳為龍種隋大業中有波斯國人牧于俱紛摩
地那山有獸言曰山西三穴有利兵黑石而白文
得之者王走視如言石文言當反乃詭眾哀亡命
於恒曷水劫商旅保西鄙自王移黑石寶之國人
往討之皆大敗還於是遂彊滅波斯拂林始有粟
麥倉庾南侵婆羅門并諸國勝兵至四十萬康石
皆往臣之其地廣萬里東距突騎施西南屬海海
中有撥拔力種無所附屬不生五穀食肉刺牛血

乳飲之俗無衣服以羊皮白蔽婦人明皙而豐
交象牙及阿香波斯賈人欲往市必數千人納
置四厥血誓乃交易兵多牙角而有弓矢鎧稍士至
二十萬數為大食所破略永徽二年大食王嚧密
莫末賦始遣使者朝貢自言王大食氏有國三十
四年傳二世開元初復遣使獻馬鈿帶謁見不拜
有司將劾之中書令張說謂殊俗募錢不可實于
罪玄宗赦之使者又來辭曰國人止拜天見王無
拜也有司切責乃拜十四年遣使葵黎滿獻方物
拜果毅賜緋袍帶或曰大食族中有孤列種世酋

長號白衣大食種有二姓一曰盆屋求換二曰奚深
有摩訶末者勇而智衆立爲主關地三千里克夏
臘城傳十四世至末換殺兄伊疾自王下怨其忍
有呼羅珊木鹿人並波悉林將討之徇衆曰助我
者皆黑衣俄而衆數萬即殺末換求奚深種孫阿
蒲羅拔爲王更號黑衣大食蒲羅死弟阿蒲恭拂
立至德初遣使者朝貢代宗取其兵平兩京阿蒲
恭拂死子迷地立死弟訶論立貞元時與吐蕃相
攻吐蕃歲西師故解盜邊十四年遣使者含差烏
難沙北三人朝皆拜中郎將資遣之傳言其國乃

南二千里山谷間有木生花如人首與語輒笑則
落東有末祿小國也治城郭多木姓以五月爲歲
首以畫缸相獻有尋支瓜大者十人食乃盡蔬有
顆葱葛藍軍達差薤大食之西有言者亦自國北
距突厥可薩部地數千里有五節度勝兵萬人土
多系有大川東流入亞俱羅商賈往來相望云自
大食西十五日行得都盤西距羅利支十五日行
南即大食二十五日行北勃達一月行勃達之東
距大食二月行西抵波蘭二十日行南都盤北大
食皆一月行波蘭之東南二十日行得阿沒或曰

阿味東南距陀拔斯十五日行南沙蘭一月行北
距海二日行居你訶溫多城宜馬羊俗柔寬故大
食常游牧於此沙蘭東距羅利支北怛滿皆二十
日行西即大食二十五日行羅利支東距都盤北
陀拔斯皆十五日行西沙蘭二十日行南大食二
十五日行怛滿或曰怛沒東陀拔斯南大食皆一
月行北岐蘭二十日行西即大食一月行居烏濟
河北平川中獸多師子西北與史接以鐵關為限
天寶六載都般孛等六國皆遣使者入朝乃封都盤
王謀思健摩訶延曰順化王勃達王摩俱薩斯曰

守義王阿沒王俱那胡設曰恭信王沙蘭王卑路
斯威曰順禮王羅利支王伊思俱習曰義寧王怛
滿王謝沒曰奉順王

贊曰西方之戎古未嘗通中國至漢始載烏孫諸
國後以名字見者漸多唐興以次脩貢蓋百餘皆
冒萬里而至亦已勤矣然中國有報贈冊幣程糧
傳驛之費東至高麗南至真臘西至波斯吐蕃堅
昆北至突厥契丹靺鞨謂之入蕃其外謂之絕域
視地遠近而給費開元盛時稅西域商胡以供四
鎮出北道者納賦輪臺地廣則費倍此盛王之鑒

也

西域列傳第一百四十六下

南蠻列傳第一百四十七上

唐書二百二十二上

端明殿學士兼翰林侍讀學士龍圖閣學士朝請大夫

守尚書吏部侍郎充集賢殿脩撰臣宋 祁奉 敕撰

南詔或曰鶴拓曰龍尾曰苴咩曰陽劔本哀牢夷
後烏蠻別種也夷語王為詔其先渠帥有六自號
六詔曰蒙雋詔越圻詔浪穹詔盞駝詔施浪詔蒙
舍詔兵將不能相君蜀諸葛亮討定之蒙舍詔在
諸部南故稱南詔居永昌姚州之間鐵橋之南東
距爨東南屬交趾西寧手伽陀西北與在番接男女
王西南驃北抵益州東北際黔巫王都羊苴咩城

別都曰善闡府王坐東嚮其臣有所陳以狀言而不稱臣王自稱曰元猶朕也謂其下曰昶猶卿爾也官曰坦綽曰布燮曰久贊謂之清平官所以決國事輕重猶唐宰相也曰酋望曰正酋望曰負外酋望曰大軍將曰負外猶試官也幕爽主兵琮爽主戶籍慈爽主禮罰爽主刑勸爽主官人厥爽主工作萬爽主財用引爽主客未爽主商賈皆清平官酋望大軍將兼之爽猶言省也督爽摠三省也乞託主馬祿託主牛巨託主倉廩亦清平官酋望大軍將兼之曰爽酋曰彌勤曰勤齊掌賦稅曰兵孺司掌

機密大府主將曰演習副曰演覽中府主將曰繕齋副曰繕覽下府主將曰澹酋副曰澹覽小府主將曰幕摠副曰幕覽府有陀酋若管記有陀西若判官大抵如此凡調發下文書聚邑必占其期百家有摠佐一千家有治人官一萬家有都督一凡田五畝曰雙上官授田四十雙上戶三十雙以是而差壯者皆為戰卒有馬為騎軍人歲給韋衫袴以邑落遠近分四軍以旗幟別四方面一將統千人四軍置一將凡敵入境以所入面將禦之王親兵曰朱弩佉佉首佉首章帶也擇鄉兵為四軍羅首

子戴朱鞞整負犀革銅盾而跣走險如飛百人置
羅首子統一人均首直蠻者在蘭蒼江西男女勇捷
不鞍而騎善用矛劔短甲蔽背腹鞞整背插貓牛
尾馳突若神凡兵出以望首子前驅以清平子弟
爲羽儀主左右有羽儀長八人清平官見王不得
佩劔唯羽儀長佩之爲親信有六曹長曹長有功
補大軍將大軍將十二與清平官等列日議事王
所出治軍壁稱節度次補清平官有內筭官代王
裁處外筭官記王所處分以付六曹外則有六節度
曰弄棟水昌銀生劔川柘東麗水有二都督會川通

有十賧夷語賧若州曰雲南賧白星賧亦曰勃弄
賧品澹賧澄川賧蒙舍賧大整賧亦曰史賧首咩賧
亦曰陽賧蒙秦賧矣和賧趙川賧祁鮮山之西多瘴
歎地平草冬不枯自曲靖州至滇池人水耕食蠶以
柘蠶生閩一旬而蠶織錦練精緻大和祁鮮而西人
不整割波羅樹實狀若紫紵縵而幅之覽賧并三
最鮮白惟王得食取足輒滅竈昆明城諸井皆
不征蠶蠶食之永昌之西野桑生石上其林一壑兩
向而下植取以爲弓不筋漆而利名曰暝弓長川諸
山往往有金或披沙得之麗水多金越賧之西多

薦草產善馬世稱越駉駉始生若羔歲中紐涉縻之
飲以米滿七年可御日馳數百里上出建八旗紫若
青白旂雉妻一有旂銀紫縵之蓋蓋王母曰信麼亦
曰九麼紀曰進武信麼出亦建八旗終旂自曹長以
降繫金信直尚終紫有功加錦又有功加金波羅金
波羅虎皮也功小者衿背不袖次止于衿婦人不粉
黛以蘇澤髮貴者綾錦裙襦上施錦一幅以兩股
為纒善且綉珠貝瑟瑟虎魄及縷婦與人亂不嫁
以私相送已嫁有姦者皆抵死俗以實為正四時大
與中國小差膾魚寸以胡瓜椒殺和之

開吹瓢笙筮四清酒至客前以筮推妻勸酬以綉
帛及其市場具者大若指十六枚為一覓師行人
齋糧斗五升以二千五百人為一營其法前傷者
養治後傷者斬犁田以一牛二夫前挽中歇後驅
然專于農無貴賤皆耕不絲役人歲輸米二斗一
藝者給田一畝乃統工蒙氏父子以名相屬自舍
者以來有譜次可考舍者生獨羅亦曰細奴羅高
宗時遣使者入朝賜錦袍細奴羅生羅盛炎羅盛
火生炎閣武后時盛炎身入朝妻方娘生盛羅皮
言曰我又有了雖死唐地足矣炎閣立死開元時

弟盛邏皮立生皮邏閣授特進封臺登郡王炎閣
未有子時以閣羅鳳為嗣及生子還其宗而名承
閣遂不改開元末皮邏閣逐河蠻取大和城又襲
大整崖城守之因城龍口夷語山陂陀為和故謂大
和以處閣羅鳳天子詔賜皮邏閣名歸義當是特
五詔徵歸義獨彊乃厚以利啖劍南節度使王昱
求合六詔為一制可歸義已并羣蠻遂破吐蕃
驕大人朝天子亦為加禮又以破吐蕃功馳遣中
人冊為雲南王賜錦袍金鈿帶七事於是徙治大
和城天寶初遣閣羅鳳子鳳迦異入宿衛拜

貞臘一曰吉茂本扶南屬國去京師二萬七百里
東距車渠西屬驃南瀕海北與道明接東北抵驪
州其王刹利伊金那貞觀初并扶南有其地戶皆
東嚮坐上東客至屑擯御龍腦香蛤以進不飲酒
比之淫與妻飲房中避尊屬有戰象五千良者飼
以肉世與參半驃通好與環王乾陀洹數相攻自
武德至聖曆凡四來朝神龍後分為二半比多山
阜號陸貞臘半南際海饒波澤號水貞臘半水貞
臘地八百里王居婆羅提拔城陸貞臘或曰文單
曰婆鏤地七百里王號笮屈開元天寶時王子率

其屬二十六來朝拜果毅都尉大曆中副王婆彌
及妻來朝獻馴象十一擢婆彌試殿中監賜名賓
漢是時德宗初即位珍禽奇獸悉縱之蠻夷所獻
馴象畜死中元會充廷者凡三十二悉放荆山之
陽及元和中水貞臘亦遣使入貢文單西北屬國
曰參半武德八年使者來道明者亦屬國無衣服
見衣服者共笑之無鹽鐵以竹弩射鳥獸自給
訶陵亦曰社婆曰闍婆在南海中東距婆利西墮
婆登南瀕海北貢臘木為城雖大屋亦覆以拼欄
象母為牀若席出璫瑁黃白金犀象國最富有穴

自湯鹽以柳花椰子為酒飲之輒醉宿昔壤有文
案知星曆食無匕筋有毒女與接輒苦瘡人死尸
未腐王居闍婆城其祖吉延東遷於婆露伽斯城
旁小國二十八莫不臣服其官有三十二大夫而
天坐敢元為最貴山上有郎卑野州王常登以望
海夏至立八尺表景在表南二尺四寸貞觀中與
墮和羅墮婆登皆遣使者入貢太宗以璽詔優答
墮和羅巧良馬帝與之至上元間國人推女子為
王號悉莫威令整肅道不舉遺大食君聞之齎金
一囊置其郊行者輒避如是三年太子過以足躡

金悉莫怒將斬之羣臣固請悉莫曰而罪實本於
足可斷趾羣臣復爲請乃斬指以徇大食聞而畏
之不敢加兵大曆中訶陵使者三至元和八年獻
僧祇奴四五色鸚鵡頻伽烏等憲宗拜內四門府
左果毅使者讓其弟帝嘉羨並官之訖大和再朝
貢咸通中遣使獻女樂墮和羅亦曰獨和羅南距
盤盤北迦邏舍弗西屬海東貞臘自廣州行五月
乃至國多羨犀世謂墮和羅犀有二屬國曰曇陵
陀洹曇陵在海洲中陀洹一曰釋陀洹在環王西
南海中與墮和羅接自交州行九十日乃至王世

清平官談異牟尋曰中國有禮義我少求責非若吐
蕃怵刻無極也今棄之復歸唐無遠戍勞利莫大
此異牟尋善之稍謀內附然未敢發亦會節度使
韋臯撫諸蠻有威惠諸蠻頗得異牟尋語白于臯
時貞元四年也臯乃遣謀者遺書吐蕃疑之因責
大臣子爲質異牟尋愈怨後五年乃決策遣使者
三人異道同趣成都遺臯帛書曰異牟尋世爲唐
臣曩緣張虔陀忘在吞侮中使者至不爲澄雪且
部惶寔得主異計鮮二仲通比年舉兵故自新無
繇代祖棄背吐蕃欺孤背約神川都督論訥古使

浪人利羅式眩惑部姓發兵無時今十二年此一
忍也天禍蕃廷降虜蕭牆大子弟兒流竄近臣橫
汙皆尚結贊陰計以行屠害平日功臣無一二在
訥古等皆冊封王小國奏請不令上達此二忍也
又遣訥古逼城于鄙弊邑不堪利羅式私取重賞
部落皆驚此三忍也又利羅式罵使者曰滅子之
將非我其誰子所富貴為我有此四忍也今吐蕃
委利羅式甲士六十侍衛因知懷惡不謬此一難
忍也吐蕃陰毒野心輒懷搏噬有如媮生實汗
先人辜負部落此二難忍也往退渾王為吐蕃

害孤遺受欺西山女王見奪其位拓拔首領並蒙
誅刈僕固志忠身亦喪亡每思一朝亦被此禍此
三難忍也往朝廷降使招撫情心無二詔函信節
皆送蕃廷雖知中夏至仁業為蕃臣吞聲無訴此
四難忍也曾祖有寵先帝後嗣率蒙襲王又知禮
樂本唐風化吐蕃詐給百情懷惡相威異牟尋願
竭誠日新歸款天子請加戍劔南西山涇原等州
安西鎮守揚兵四臨委回鶻諸國所在侵掠使吐
蕃勢分力散不能為彊此西南隅不煩天兵可以
立功云且贈臯黃金丹砂臯護送使者京師使者

奏異牟尋請歸天子爲唐藩輔獻金示順革丹赤
心也德宗嘉之賜以詔書命皇遣謀往覘臯令其
屬崔佐時至羊直咩城時吐蕃使者多在陰戒佐
時衣牂柯使者服以入佐時曰我乃唐使者安得
從小夷服異牟尋夜迎之設位陳燎佐時即宣天
子意異牟尋內畏吐蕃顧左右失色流涕再拜受
命使其子閣勸及清平官與佐時盟點蒼山載書
四一藏神祠石室一沈西洱水一置祖廟一以進
天子乃發兵攻吐蕃使者殺之刻金契以獻遣專
長段南羅趙迦寬隨佐時入朝初吐蕃與回

殺傷其乃調南詔萬人異牟尋欲襲吐蕃陽示寡
弱以五千人行許之即自將數萬踵後晝夜行大
破吐蕃於神川遂斷鐵橋溺死以萬計俘其五王
乃遣弟湊羅棟清平官尹仇寬等二十七人入獻
地圖方物請復號南詔帝賜賚有加拜仇寬左散
騎常侍封高溪郡王明年夏六月冊異牟尋爲南
詔王以祠部郎中袁滋持節領使成都少尹龐頊
副之崔佐時爲判官俱文珍爲宜慰使劉幽巖爲
判官賜黃金印文曰貞元冊南詔印滋至大和城
異牟尋遣兄蒙細羅多等以良馬六十迎之金銀

玉珂兵振鐸夾路陳異牟尋金甲蒙虎皮執雙鐸
鞘執矛千人衛大象十二引于前騎軍徒軍以次
列詰旦授冊異牟尋率官屬北面立宣慰使東向
冊使南向乃讀詔冊相者引異牟尋去位跽授冊
印稽首再拜又授賜服備物退曰開元天寶中曾
祖及祖皆蒙冊龍衣王自此五十年貞元皇帝洗痕
錄功復賜爵命子子孫孫永爲唐臣因大會其下
享使者出銀平於馬頭盤一謂滋曰此天寶時先
君以鴻臚少卿宿衛皇帝所賜也有笛工歌女皆
盡白示滋曰此先君歸國時皇帝賜胡部龜茲音

聲二列今喪亡略盡唯一人故在酒行異牟尋坐
奉觴滋前滋授詔曰南詔當深思祖考成業抱忠
竭誠永爲西南藩屏使後嗣有以不絕也異牟尋
拜曰敢不承使者以命滋還復遣清平官尹輔西
等七人謝天子獻舞鞘浪劍鬱鬱刃生金瑟瑟牛黃
虎珀氍紡絲象犀越睽統倫馬鐸鞘者狀如殘刃
有孔傍達出麗水飾以金所擊無不洞夷人尤寶
月以血祭之鬱刃鑄時以毒藥并冶取迎躍如星
者凡十年乃成淬以馬血以金犀飾鐸首傷人即
死浪人所鑄故亦名浪劍王所佩者傳七世矣異

年尋攻吐蕃復取昆明城以食鹽池又破施蠻順
蠻並虜其王置白崖城以定蕃此蠻隸昆山西爨
故地破茫蠻掠弄棟蠻漢棠蠻以實雲南東北施
蠻者在鐵橋西北居大施睽斂尋睽男子衣繒布
女分髮直額爲一髻垂後跣而衣皮順蠻本與施
蠻雜居劔共諸川咩羅皮鐸羅望旣失澄川浪穹
奪劔共地由是徙鐵橋在劔睽西北四百里號劔
羌磨君蠻些蠻與施順一蠻皆烏蠻種居鐵橋大濠
小濠二探覽昆池等川土多牛平俗不類澤男女
衣皮俗好飲酒歌舞茫蠻本關南種茫其君

或呼茫詔永昌之南有茫天連茫吐噶大睽茫昌
茫鮓茫施大抵皆具種樓居無城郭或漆齒或金
齒衣青布短袴露髻以繒布繪畫出其餘垂後爲
飾婦人披五色娑羅籠象纒如牛養以耕弄棟蠻
白蠻種也其部本居弄棟縣鄙地昔爲襄州有首
領爲刺史設殺其參軍挈族北走後散居磨些江
側故劔共諸川亦有之漢裳蠻本漢人部種在鐵
橋惟以朝霞纏頭餘尚同漢服十五年異牟尋謀
擊吐蕃以澄川寧北等城當寇路乃峭山深漸脩
戰備帝許出兵助力又請以大臣子弟質於臯臯

辭固請乃盡全其成都威遣就學且言昆明舊州與吐蕃接不先加兵為虜所脅反為我患請臯圖之時唐兵比歲屯京西朔方大峙糧欲南北並攻取故地然南方轉饟稽期兵不悉集是夏虜麥不熟疫癘仍興贊普死新君立臯揣虜未敢動乃勸異牟尋緩舉萬全愈於速而無功今境上兵十倍往歲且行營皆在舊州扼西瀘吐蕃路昆明弄棟可以無虞異牟尋請期它年吐蕃大臣以歲在辰兵宜出謀襲南詔閱無治道將以十月圍舊州軍屯昆明凡八萬皆命一歲糧贊普以舅攘都羅為都

統遣尚乞力欺徐溫鑠屯西貢川異牟尋與臯相聞臯命部將武免率弩士三千赴之元榮朝以萬人屯黎州韋良金以二萬五千人屯舊州約南詔有急皆進軍過俄焦添城者南詔供饋吐蕃引衆五萬自襄音川分二軍攻雲南一軍自諾濟城攻舊州異牟尋畏東蠻磨此難測懼為吐蕃鄉導欲先擊之臯報舊州實往來道扞蔽數州虜百計窺之故嚴兵以守屯壁相望糧械處處有之東蠻庸敢懷貳乎異牟尋乃檄東磨此諸蠻內糧城中不者悉燒之吐蕃顯城將楊萬波約降事洩吐蕃以

兵五千守臯將擊破之萬波與龍宮拔顯城以來
徙其人二千于宿川臯將扶忠義又取木恭城俘
係牛羊千計替普大將既煎讓律以兵距上貢川
一舍而屯國師馬定德率種落出降西貢節度監
軍野多輸煎者替普乞立替養子當從先替普殉
亦詣忠義降於是虜氣衰軍不振欺徐濫鑠至鐵
橋南詔毒其水人多死乃徙納川壁而待是年虜
霜雪早兵無功還期以明年吐蕃復苦唐詔倚角小
不敢圖南詔臯令免按兵舊州節級鎮守雖南詔
境亦所在屯戍吐蕃懲野戰數北乃屯三瀘水這

論交款誘瀘瀘諸蠻復城悉攝悉攝吐蕃險要也
蠻酋潛導南詔與臯部將杜毗羅祖擊十七年春夜
絕瀘破虜屯斬五百級虜保鹿危山毗羅伏以待
又戰虜大奔於時康黑衣大食等兵及吐蕃大酋
皆降獲甲二萬首又合心士破虜于瀘西吐蕃君
長共計不得舊州患未艾常為兩頭蠻挾唐為輕
重謂南詔也會虜存飢乃葬替普調斂煩至是大
料兵率三戶出一卒虜士為大調集又聞唐兵三
萬入南詔乃大懼兵戍納川故洪諾濟臘辜賈五
城欲悉師出西山劍山收舊州以絕南詔臯即上

言京右諸屯宜明斥候蚤斂田邠隴焚萊可困虜
入皇遣將邢毗以兵萬人屯南北路趙昱萬人戍
黎雅州異牟尋謂皇曰虜聲取舊州實窺雲南請
武免督軍進羊苴咩若虜不出者請以來年二月
深入時虜兵三萬攻鹽州帝以虜多詐疑繼以大
軍詔皇深鈔賊鄙分虜勢皇表賊精銳之會皇南屯
今向鹽夏非全軍欲掠河曲党項畜產耳俄聞虜
破麟州皇督諸將分道出或自西山或由平夷或
下隴陀和右門或徑神川納川與南詔會是時回
鶻太原邠寧涇原軍獵其北劔南東川山南兵震
其東鳳翔軍當其西蜀南詔深入克城下焚將百
五十所斬首萬級獲鎧械十五萬圍昆明維州不
能克乃班師振武靈武兵破虜一萬涇原鳳翔軍
敗虜原州惟南詔攻其腹心俘獲最多帝遣中人
尹僧尉異牟尋而吐蕃盛屯昆明神川納川自守
異牟尋比年獻方物天子禮之

南蠻列傳第一百四十七上

南蠻列傳第一百四十七中

唐書二百一十二年

端明殿學士兼翰林侍讀學士龍圖閣學士朝請大夫
守尚書吏部侍郎充集賢殿脩撰臣宋 祁奉 敕撰

元和三年異牟尋死詔太常卿武少儀持節弔祭子
尋問勸立或謂夢湊自稱驃信夷語君也改賜元
和印章明年死子勸龍晟立淫肆不道上下怨疾
十一年為弄棟節度王嵯巔所殺立其弟勸利詔
少府少監李銑為冊立弔祭使勸利德嵯巔賜氏
蒙封大容蠻謂兄為容長慶二年始賜印是歲死
弟豐且祐立豐祐趨取善用其下慕中國不肯連父

名穆宗使京兆少尹韋審規持節臨冊豐祐遣洪成酋趙龍此揚定奇入謝天子於是西川節度使杜元穎治無狀郭候弼首相蒙時大和三年也嵯巔乃悉衆掩邛戎舊三州陷之入成都止西郭十日慰資居人市不擾肆將還乃孫子女工技數萬引而南人懼自殺者不勝計救遂嗟巔身自殺至大度河謂華人曰此吾南境爾去國當哭衆號慟赴水死者十二南詔自是工又織與中國埒明年上表請罪比年使者來朝開成會昌間再至大中時李琢爲安南經略使苛暴自私以斗鹽易一

牛夷人不堪結南詔將段酋遷安南都護府號白衣沒命軍南詔發朱弩佞其一千助守然朝貢猶歲至從者多杜棕自西川入胡表無多內蠻慊豐祐怒即慢言索質子會宣宗朋使者告哀是時賜故王以音具進使者而遣遂僭稱皇帝建元建極自號大禮國懿宗以其名近玄宗嫌諱絕朝貢乃陷播州安南都護李鄴屯武州咸通元年爲蠻所攻棄州走天子斥鄴以王寬代之明年攻邕管經略使李弘源兵少不能拒奔蠻州南詔亦引去

唐書文傳二百四十四
詔殿中監段文楚為經略使數毀條約眾不悅以
胡懷玉代之南詔知邊人困甚剽掠無有不入寇
杜棕當國為帝謀遣使者弔祭示恩信并詔驃信
以各嫌冊命未可舉必易名乃得封帝乃命左司
郎中孟穆持節往會南詔陷雋州穆不行安南挑
林人者居林西原七綰洞首領李由獨主之歲歲
成邊李琢之在安南也奏罷防冬兵六千人謂由
獨可當一隊遏蠻之入蠻酋以女妻由獨子七綰
洞舉附蠻王寬不能制三年以湖南觀察使蔡
代之發諸道兵二萬屯守南詔憚畏不敢出會

左庶子蔡京經制嶺南已盡裝功有所欲沮壞之乃
言南方自無唐武夫倖功多聚兵耗餽運請還戍
兵情財用襲執不可顧留五千兵累表不報即極
陳南詔伺隙久有上必死狀朝廷昏肆不省也京
還奏得意甚復詔為宣尉使無使即建新廣州為
嶺南東道邕州為西道以壘家藤巖為隸州乃拜
京西道節度使京褊伎貪苛設條令為炮熏劄新
法下愁毒為軍中所逐走藤州矯制作攻討使即
召鄉兵比道軍攻邕州不克京潰敗死崖州以往
營觀察使鄭愚代節度南詔攻交州進略安南襲

請救發湖荆桂兵五千屯邕州嶺南韋宙奏南詔必襲邕管不先防近而圖遠恐恃虛絕糧道且深入乃詔襲按軍海門詔鄭愚分兵禦之襲請濟師以山南東道兵千人赴之南詔西將楊思儼麻光高以兵六千薄城而屯四年正月攻益急襲錄異牟尋盟言繫矢上射入其營不谷俄而城陷襲闔宗死者七十人幕府樊綽取襲印走度江荆南兵入東郭苦戰斬南詔二千級是夜蠻遂屠城有詔諸軍保嶺南更以秦州經略使高駢為安南都護帝見輸發頓罷游幸不奏樂宰相杜棕以為非是

止之南詔稍逼邕州鄭愚自陳非將帥才願更擇人會康承訓自義成來朝乃授嶺南西道節度使發荆襄洪鄂兵萬人從之承訓辭兵寡乃大興諸道兵五萬往六月直成交州於海門進為都護府調山東兵萬人益戍以容管經略使張茵鎮之因命經略安南茵逗留不敢進安南之陷將吏遺人多客伏溪洞詔所在招還採卹之免安南賦入二年韋宙請分兵屯容藤拔繸五年南詔回掠雋州以搖西南西川節度使蕭鄴率屬蠻鬼主邀南詔大度河敗之明年復來攻會刺史喻士珍貪猾

陰掠兩林東蠻口縛賣之以易蠻金故開門降南
詔盡殺成卒而士珍遂臣于蠻安南又屯兩河銳
士死瘡毒者十七宰相楊收議罷北軍以江西為
鎮南軍募彊弩二萬建節度且地便近易調發詔
可夏侯孜亦以張茵懦不足事悉以兵授高駢駢
以選士二千度江敗林替巴兵於邕州擊南詔龍州
屯蠻酋燒皆玄困走西龍遣楊緝思助西遷共守安
南以范晔些為安南都統趙諾眉為扶邪都統七
年六月駢次交州戰數勝士酣鬪斬其將張詮李
涯龍舉眾萬人降拔波風三壁緝思出戰敗還走

城士棄之超堞入斬西遷服此二諾眉士首二萬級
安南平初西龍遣清平官重成等十九人詣成都
節度使李福將廷見之成等言皇帝奉天命改正
朔請以敵國禮見福不許導譯五返日旰士倦議
不決福怒命武士捽辱之械繫于館俄而劉潼代
福節度即挺其繫表縱還有詔召成等至京師見
別後物良厚慰遣還國明年西龍使楊西慶等
來謝釋囚初李師望建言成都經摠蠻事曠日不
能決請析邛蜀嘉眉黎雅備七州為定邊軍建節
度制機事近日連天子謂然即詔師望為節度使

治邛州邛距成都才五舍舊制取南去邛乃千里
緩急首尾不相副而師望利專制諱不言泉積無
厭私賄以百萬計又欲激蠻叛心幸有功乃殺西慶
等既而戍士怨將醢師望以是會召還以實滂代
之滂胥冒九不法誅責苛纖甚師望時蠻役不興
而定邊已困西龍怨殺其使十年乃入寇以軍綴
青溪關密引衆伐木開道徑雪坡盛夏卒凍死者
二千人出沐源關嘉州破屬蠻遂次沐源滂遣充
海兵五百往戰一軍覆酋龍乃身自將督衆五百
攻邛州攻青溪關屯將杜冉榮絕大度河走諸屯

皆浪保北涯蠻攻黎州詭服漢衣濟江襲捷為破
之裴回陵榮間焚廬舍掠糧五百薄嘉州刺史揚恣
流南詔夾江而軍士攢射蠻不得進陰自上游濟
昔擊主師殺忠武將顏慶師恣走嘉州陷明年正
月攻杜冉榮滂自勒兵戰西龍遣使者十輩請和
滂信之語未半蠻掎爭岸謀而進滂不知所為將
自殺武寧將苗全緒止之殊死戰蠻稍卻滂乃追
全緒數而行黎州陷人走畏山谷蠻掠金帛不勝
負入自邛峽關圍雅州遂擊邛州是冬滂棄州壁
導江儲資時城皆一矣酋龍進攻成都次眉州坦

綽杜元忠日夜教酋龍取全蜀於是西川節度使
盧耽遣其副王偃中人張思廣約和蠻疆之使南
面拜然卒不見西龍而還蠻次新津耽復遣副譚
奉祀好言申約蠻留之耽畏援軍未集即飛請天
子降大使通好以紓其深入懿宗馳遣大僕卿支
詳為和蠻使蠻本無謀不能乘機會鼓行亟驅但
蚍結蠅營怙國剽小利處處留屯故蜀孺老得扶
攜悉入成都閭里皆滿戶所占地不得過一牀兩
則冒箕蓋自庇城中井為竭則其斂摩訶池至爭
梓溺死者城管沙取滴飲之死不能具棺即其攻

瀘州刺史楊慶復為耽治攻具蘭石置牢城
兵八將王之樹篋格夜列炬照城守具雄新又選
悍士二千號突將為長刀巨槌斧分左右番休日
隸于軍士心侈欲鬪而酋龍曰雙流徐行內欲報
董成之辱因給耽請上介至卑議事耽遣節度副
使柳殷往見杜元忠議和元忠妄言帝見耽請具
車蓋葆翥般槩未能決還蠻以三百騎負幃幕來大
言曰供帳隋蜀王聽事為驃信行在耽不許乃馳
去蠻稍前傳外郭於是游亦奔使王書督援兵二千
屯毗橋實涉亦以其軍自導守將與大軍犄角

然戰不甚力小不勝即保廣澤

以失定邊覬成

都陷得薄其罪會有詔斥徙軍

無功耽部將李

自孝者與刺史喻士珍善士珍臣蠻自孝陰與賊

通乃說耽城下蒔葦稻潴水頽城舉府不之覺蠻

攻城自孝守陴樹麾以自表麾所指蠻輒攻之為

下所覺耽殺自孝以徇城左有民樓肆蠻俯射以

中耽募勇士燒之器械俱盡二月蠻以雲梁為軍

四面攻士叫譁鵝車未至陴者以巨索鉤係投

炬車焚箱間蠻卒盡死耽遣李璿張察率士

攻下斬二千級蠻徹民郭洛為蓬籠如恒

枕木推而前不及城丈匿蠻其內以穴墉楊恣以

擊貯糞灌液蠻蠻不能處注以鐵液蓬籠皆火然

南詔負衆益治器械斧斤晝夜有聲將擊錦樓衆

失色耽遣將出三面苦戰蠻引卻蠻利夜晦輒薄

城聞呼嘯衆齊奮城上施鐵籠千炬賊來不得隱

屯夫終夜哄蠻不能侵支詳遣謀與約好且謂耽

毋多殺以速蠻和是時傳言救師至城中合譟開

門士爭出迎軍南詔搏戰不解日入判官程克裕

以北門兵二千乘之蠻乃走耽猶遺之書謝不得

已交兵且請和士脫鎧迎支詳詳陳所齎植一旗

署曰賜雲南幣特謂蠻使者曰天子詔雲南和解而兵薄成都奈何請退舍撤懿良以脩好或勸詳蠻多詐毋入死地詳不行蠻復圍成都夜穿西北隅犂旦乃覺即頽焚火于壩蠻皆死穴中以鐵鉅曳雲朔什之燎作少選盡益固守是時帝遣東川節度使顏慶復爲大度河制置劍南應接使兵次新都博野將曾元裕敗蠻兵斬二千級南詔騎數萬晨馱官軍以騁大將宋威以忠武兵戰斬首五千獲馬四白匹南詔退屯星宿山威進戍沱江酋龍追酋望至支詳所請和詳曰令列城固守北軍望功

歸語而主審自度耽遣銳將趣蠻壁燒攻具殺二千人爲南詔所躡卻而潰蠻聞鳳翔山南軍且來乃迎戰毗橋不勝趨沱江爲伏士所擊又敗城中出突將夜火蠻營酋龍坦綽身督戰後三日王師奪昇遷梁蠻大敗夜燒亭傳乘火所向兩矢射王師威䟽軍行嚮矢所發叢射之兩軍不能決各解去酋龍知不敵夜徹營南奔至雙流江無梁計窮將赴水死或止之曰令北軍與成都兵合若來追我無類矣不如僞和以紓急不然死未晚乃來請三日梁成而濟即斷梁按隊緩驅黎州刺史嚴師

本收散卒保邛州西龍懼園一日去蠻俘華民必
剽耳鼻已縱之既而居人刻木為耳鼻者什八慶
復之來衆以其弟慶師死于蠻必甘心及成都不
破以已功輕乃按軍廣溪縱殘寇人人切齒初成
都無隍塹乃教耽濟隍廣三丈作戰棚于埤列左
右屯營營別五區區卒五十時卓英夾壕後三年
合拱又為大旛連弩自是南詔憚之西龍年少嗜
殺戮親戚畏已者皆斬兵出無寧歲諸國更讎
屢覆復衆國耗虛蜀之役男子十五以下悉發婦耕
以餉軍十四年坦綽復寇蜀坦舟大度河以濟為

刺史黃景復擊却之衆循河而南夜桴上流兵夾
攻瀕水諸屯景復敗走還黎州蠻躡追為景復所
敗會蠻踵來還攻大度河什旗息鼓請曰坦綽欲
上書天子白寃事成兵信之不戰橋成而濟黎州
陷遂攻雅州擊定邊軍卒潰入邛州成都大震人
亡人王壘關士乘城坦綽遣使者王保成等四十
人齎驛信書遺節度使牛勣欲假道入朝請憇蜀
王故殿叢欲許之楊慶諫曰蠻無信彼禮屈辭甘
詐我也請斬其使留二人還書叢因責之曰詔王
之祖六詔最小夷也天子錄其勤合六詔為一俾

附庸成都名之以國許子弟入太學使習華風今
乃自絕王命且蛇雀大馬猶能報德王乃不如蟲
鳥乎比成都以武備未脩故令爾突我疆塲然毗
橋沱江之敗積柴附城不四年復來今吾有十萬
衆捨其半未用以千人為軍十軍為部驍將主之
凡部有彊弩二百縛斧輔之勁弓二百越銀刀輔
之長戈二百撥刀輔之短矛二百連鎗輔之又軍
四面而有鐵騎五百悉收芻薪米粟牛馬犬豕清
野待爾吾又能以旁騎略爾樵采我日出以一部
與爾戰部別二番日中而代日昃一部至以夜也

月明則戰黑則休夜半而代凡我兵五日一殺敵
爾功書夜戰不十日情且死矣州縣繕甲厲兵擗
角相從皆蠻之深讎雖女子能齟齬薄賊沉疆夫
烈士哉爾祖嘗奴事西蕃為爾仇家令顧臣之何
恩讎之戾邪蜀王故殿先世之寶宮非邊夷所宜
舍神怒人憤驃信且死叢猶火郊民室廬觀閣嚴
兵為固守計坦綽至新津而還回寇黔中經略使
秦匡謀懼奔荆南會僖宗立遣金吾將軍韓重持
節往使俄攻黎州景復擊走之乾符元年劫略雋
雅間破黎州入邛峽關掠成都成都閉三日蠻乃

去詔徙天平軍高駢領西川節度使乃奏蠻小醜
勢易制而蜀道險館饑窮要今左神策所發長武
河東兵多用度繁廣且彼皆扼制羌戎不可以弛
備詔乃罷長武等兵駢至不淹月閱精騎五千遂
蠻至大度河奪鎧馬執酋長五十斬之收圯埭關
復取黎州南詔遁還駢召景復責大度河之敗斬
以徇戍望星清溪等關南詔懼遣使者詣駢結好
而踵出兵寇邊駢斬其使初安南經略判官杜讓
為蠻所俘其妻宗室女也故酋龍使奉書焉和
答曰我且將百萬衆至龍尾城問爾罪首敢大震

自南詔叛天子數遣使至其境酋龍不肯拜使
遂絕駢以其俗尚浮屠法故遣浮屠景仙攝使往
酋龍與其下迎謁且拜乃定盟而還遣清平官酋
望趙宗政質子三十八朝乞盟請為兄弟若舅甥
詔拜景仙鴻臚卿檢校左散騎常侍駢結吐蕃尚
延心盟魯齋月等為間築戎州馬湖沐源川大
度河三城列屯拒險料壯卒為平夷軍南詔氣奪
酋龍恚發疽死偽謚景莊皇帝子法嗣改元貞明
承智大同自號大封人法年少好畋獵酣逸衣絳紫
錦罽鍔金帶國事顛決大臣乾符四年遣陀西段

唐書列傳百四十一
瑋寶詣邕州節度使辛讜請脩好詔使者答報未
幾寇西川駢奏請與和親右諫議大夫柳韜吏部
侍郎崔澹醜其事上言遠蠻畔逆乃因浮屠誘致
又議和親垂笑後世駢職上將謀垂繆不可從遂
寢蠻使者再入朝議和親而駢從荆南持前請不
置宰相鄭畋虜攜爭不決皆賜罷辛讜遣幕府徐
雲虔攝使者往覘到善闡府見騎數十曳長矛擁
絳服少年朱緇約髮典客伽陀酋孫慶曰此驃信
也問天子起居下馬揖客取使者佩刀視之自解
左右鈕以示乃除地刺王文版命左右馳射每一

人射法驟馬逐以為樂數十發止引客就帳限子
并瓶盃四女子侍樂飲夜乃罷又遣問安春秋大
義送使者還是時駢徙節鎮海刻澹等沮議帝蒙
弱不能曉下詔剝解西川節度使崔安潛上言蠻
蓄鳥獸心不識禮義安可以賊謀尚貴主失國家
大體澹等議可用臣請鑿義在子率十戶一保願
發山東銳兵六千戍諸州比五年蠻可為奴久之
帝手詔問安潛和親事答曰雲南姚州警一縣中
國何資於彼而遣重使加厚禮彼且妄謂朝廷畏
怯無能為脫有它請陛下何以待之且天宗近屬

不可下小蠻夷臣比移書且不言舅甥黜所僭也有
如蠻使者不復至當遣謀人伺其隙可以得志南
詔知蜀疆故襲安南陷之都護曾來奔邕府戍兵
潰會西川節度使陳敬瑄申和親議時虜攜復輔
政與且盧瑑皆厚駢乃請說帝曰陛下初即位遣
韓重使南詔將官屬留蜀其年費不貲蠻不肯迎
及駢節度西川招盟未繕甲訓兵蠻夷震動遣趙
宗政入獻見天子附驃信再拜雲笈之使驃信答
拜其於禮不爲少宣宗皇帝收三州七關平江鎮
以南至大中十四年內庫皆積如山戶部延資充

滿故宰相敏中領西川庫錢至三百萬緡諸道亦
然咸通以來蠻始叛命再入安南邕管一破黔州
四盜西川遂圍盧耽召兵東方戍海門天下騷動
十有五年賦輸不內京師者過半中藏守虛亡死
瘠于瘠燦骨傳灰人不念家二命爲盜可爲痛心前
年留宗政等南方無虜及潰還彼猶異望家法立
三年比兵不出要防其蓄力以間我虜今朝廷府
庫匱甲兵少牛叢有北兵七萬首尾奔衝不能救
況安南寇戍單寡涉冬寇禍可虞誠命使者臨報
縱未稱臣且伐其謀外以糜服蠻夷內得蜀休息

也帝謂然乃以宗室女爲安化長公主許婚拜嗣
曹王龜年宗正少卿爲雲南使大理司直徐雲慶
副之內常侍劉光祿爲雲南內使霍承錫副之及
還具言驃信誠款以爲敬瑄功故進檢校司空賜
一子官法遣宰相趙隆眉楊奇混段義宗朝行在
迎公主高駢自揚州上言二人者南詔心腹也宜
止而鳩之蠻可圖也帝從之隆眉等皆死自是謀
臣盡矣蠻益衰中和元年復遣使者來迎王獻珍
怪種罽轔古牀帝以方議公主車服爲解後二年又
遣布燮楊奇獻來迎詔檢校國子祭酒張譙爲禮會

五禮使徐雲慶副之宗正少卿嗣號王約爲婚使
未行而黃巢平帝東還乃歸其使法死僞盜聖明
文武皇帝子舜化立建元中興遣使款黎州脩好
昭宗不答後中國亂不復通先是特使矣川羅
識一族通號八詔時僞母歸義女也其女復妻閣
羅鳳初時羅皮之敗時僞入居澄州州誘上浪千
餘勢稍張爲閣羅鳳所猜徙置白崖城後與矣川
羅識誦神川都督求自立爲詔謀洩被殺矣川羅識
奔神川都督自送之羅識城
蒙爲詔最入其主舊輔自死無子弟佞陽照立佞

陽照死子照原立喪明子原羅質南詔歸義欲并
國故歸其子原之衆果立之居數月使人殺照原
逐原羅遂有其地

越折詔或謂磨些詔居故越折州西距曩葱山一
日行真元中有豪酋張尋求承其王波衝妻因殺
波衝劔南節度使乃召尋求至姚州殺之部落無長
以地歸南詔波衝兄子于贈持王所寶鐸鞘東北
度瀘邑千龍法河纒百里號雙舍使部酋楊隋居
河東北歸義樹壁侵于贈不克閻羅鳳自請往
楊墮破之于贈投瀘死得鐸鞘故王出軍必雙執之

浪穹詔其王豐時死子羅鐸立羅鐸死子鐸羅望
立為浪穹州刺史與南詔戰不勝挈其部寶劔川
更稱劔浪死子望偏立望偏死子偏羅矣立偏羅
矣死子羅君立貞元中南詔擊破劔川虜羅君徙
永昌凡浪穹澄睽施浪摠謂之浪人亦稱三浪
澄睽詔其王豐時初據澄睽為御史李知古所殺
子咩羅皮自為澄川州刺史治大鰲城歸義龍敗
之復入澄睽與浪穹施浪合拒歸義既戰大敗歸
義奪澄睽咩羅皮走保野共川死子皮羅鄧立皮
羅鄧死子鄧羅顛立鄧羅顛死子顛文託立南詔破

劔川虜之徙永昌

施浪詔其王施望父居矣首和城有施各皮者亦
入詔之裔據石和城閻羅鳳攻虜之而施望父孤
立故與咩羅皮合攻歸義不勝歸義以兵脅降其
部施望父以族走永昌獻其女遺南詔丐和歸義
許之度蘭江死弟望千走吐蕃吐蕃立爲詔納之
劔川衆數萬望千死子千傍羅顛立南詔破劔川
千傍羅顛走瀘北三浪悉滅唯千傍羅顛反矣川
識子孫在吐蕃

實曰唐之治不能過兩漢而地廣於三代勞民費

財禍所繇生晉獻公殺嫡賊二公子號爲闇君明
皇一日殺三庶人昏蔽甚矣嗚呼父子不相信而
遠治閻羅鳳之罪士死十萬當時寃之懿宗任相
不明落鎮屢畔南詔內侮屯戍思亂龐勛棄之倡
戈橫行雖凶渠殲夷兵連不解唐遂以亡易曰喪
牛于易有國者知戒西北之虞矣而不知患生於無
備漢亡於董卓而兵兆於冀州唐亡於黃巢而禍
基於桂林易之意深矣

南蠻列傳第一百四十七中

南蠻列傳第一百四十七下

唐書二百二十二下

端明殿學士兼翰林侍讀學士龍圖閣學士胡濙請大夫守尚書吏部侍郎充集賢殿脩撰臣宋 祁奉 敕撰

環王本林邑也。一曰古不勞亦曰古浚交州南海行二千里地東西二百里而羸南北十里西距真臘雲溫山南抵奔浪吧州其南大浦有五銅柱山形若筒蓋西重嶼東涯海漢馬援所植也。又有西屠夷其後還留不去者才十戶隋末黎季衍至三百皆姓馬俗以其寓故號馬留人與林邑分唐南境其地冬溫冬霧雨產虎豹猩猩獸結瘡鳥以

二月為歲首稻歲再熟取檳榔潘為酒椰葉為席
俗凶悍果戰鬪以麝塗身日再塗再澡拜謁則合
瓜頓頰有文字喜浮屠道治金銀像人或十國呼
王為陽蒲通王妻為陀陽阿能太子為阿長通率
相為波漫地王所居曰占城別名曰齊國日蓬皮
勢王衣白氎古貝斜絡臂飾金珠為纓髮金
華冠如草巾妻服朝霞古貝短裙冠纓如王王備兵
五千戰乘象藤為鎗竹為弓矢空象千馬四百分
前後不設刑有罪者使象踐之或送不勞山界自
死隋仁壽中遣將軍劉方伐之其王范志遠走

以其地為二郡置守令道阻不得通梵志哀遺眾
別建國邑武德中再遣使獻方物高祖為設九部
樂鄉食之貞觀時王頤黎獻馴象鑿鎖五色帶朝霞
布火珠與婆利羅刹二國使者偕來林邑其言不
恭羣臣請問罪太宗曰其符堅欲吞晉眾百萬一
戰而亡隋至高麗歲調發人與為怨乃死匹夫手
朕敢妄議發兵邪赦不問又獻五色鸚鵡白鸚鵡
數訴寒有詔還之頤黎死子鎮龍立獻通天犀雜
寶十九年摩訶慢多伽獨執鎮龍滅其宗范姓絕
國人立頭黎塔婆羅門為王大臣共廢之更立頭

黎女爲主諸葛地者頭黎之姑子父得罪奔真臘
女之王不能定國大臣共迎諸葛地爲王妻以女
永徽至天寶凡三入獻至德後更號環王元和初
不朝獻安南都護張舟執其僞驪愛州都統斬三
萬級虜王子五十九獲戰象舸鎧渡利者直環王
東南自交州汎海歷赤土丹丹諸國乃至地大洲
多馬亦號馬禮表長數千里多火珠大者如雞卵
圓白照數尺日中以艾藉珠輒火出產瑋瑁文螺
石埧初取柔可治旣鏤刻即堅有舍利鳥通人言
俗黑身朱髮而拳鷹鳥爪獸牙穿耳傅璫以古貝黃

一幅絲子膏古貝草也緝其花爲布粗曰貝精曰
氈俗以夜爲市自掩其面王姓利利邪伽名護路
那婆世居位絲班絲貝綴珠爲飾坐金榻左右持
白拂孔雀毳出以象駕車羽蓋珠箔鳴金擊鼓歛
象輿爲樂其東即羅刹也與婆利同俗隋煬帝遣常
駿使赤土遂通中國赤土西南入海得婆羅總章
二年其王旃達鉢遣使者與環王使者偕朝環王
南有殊桑者汎交趾海三月乃至與婆羅同俗貝
觀二年使者上方物九年甘棠使者入朝國居海
南十二年僧高武令迦卞鳩密四國使者朝貢僧

高直水真臘西北與環王同俗其後鳩必王尸利
鳩摩又與富那王尸利提婆跋摩等遣使來貢僧
高等國永徽後為真臘所并

盤盤在南海曲北距環王限少海與狼牙脩接自交
州海行四十日乃至王曰揚粟其民頗水居比木
為柵石為矢鏃王坐金龍大榻諸大人見王交手
抱肩以跪其臣曰敦郎索濫曰崑崙帝也曰崑崙
勃和曰崑崙帝敦諦索甘亦曰古龍古龍者崑崙聲
近耳在外曰那延猶中國刺史也有佛道士祠僧
食肉不飲酒道士謂為貧不食酒肉貞觀中再遣

使朝其東南有哥羅二曰箇羅亦曰哥羅富田沙羅
王姓矢利波羅名米矢鉢羅累名為城樓闕宮室
茨以草州二十四其兵有弓矢稍及以孔雀羽飾
纛每戰以百象為一隊一象百人鞍若濫四人執
弓稍在中賦率輸銀二銖無絲紵惟古貝玄白多牛
少馬非有官不束髮凡嫁娶納檳榔為禮多至二
百盤婦已嫁從夫姓樂有琵琶橫笛銅鼓鐵鼓
死者焚之取燼貯金罌沈之海東南有拘婁密海
行一月至南距婆利行十日至東距不迷行五日
至西北距文單行六日至與赤土墮和羅同俗永

徽中獻五色鸚鵡

扶南在日南之南七千里地卑窪與環王同俗有城郭宮室王姓古龍居重觀柵城栝葉以覆屋王出乘象其人黑身鬖髮保行俗不為寇盜田一歲種三歲穫國出刷金狀類紫石英生水底石上人汲水取之可以刻玉扣以投角乃泮人喜鬪雞及猪以金珠香為稅治特牧城俄為真臘所并益南徙那弗那城武德貞觀時再入朝又獻白頭人二白頭者直扶南西人比皆素衣首膚理如脂居山穴四面峭絕人莫得至頭參半國接

鄉恩賜良異七載歸義我死閻羅鳳立襲王以其子鳳迦異為陽瓜州刺史初安寧城有五鹽井人得煮鹽自給玄宗詔特進何復光以兵定南詔境取安寧城及井復立馬援銅柱乃還鮮于仲通領劍南節度使下忿少方略故事南詔嘗與妻子謁都督過雲南太守張虔陀私之多所求丐閻羅鳳不應虔陀數詬斬之陰表其罪由是忿怨反發兵攻虔陀殺之取姚州及小夷州凡三十二明年仲通自將出戎備州分二道進次曲州靖州閻羅鳳遣使者謝罪願還所虜得自新且城姚州如不聽則

歸命吐蕃恐雲南非唐有仲通怒囚使者進薄白
崖城大敗引還閣羅鳳斂戰皆築京觀遂北臣吐
蕃吐蕃以爲弟夷謂弟鍾故稱贊普鍾給金印號
東帝揭碑國門明不得已而叛嘗曰我上世世奉
中國累封賞後嗣容歸之若唐使者至可指碑澡
被吾罪也會楊國忠以劍南節度當國乃調天下
兵凡十萬使侍御史李宓討之輦餉者尚不在涉
海而歿死相踵於道宓敗于大和城死者十八亦
會安祿山反閣羅鳳因之取雋州會同軍據清溪
關以破越析梟于贈西而降尋傳驃諸國尋傳蠻

者俗無絲纊跣履榛棘不苦也射豪猪生食其曰
戰以竹籠頭如兜鍪其西有裸蠻亦曰野蠻漫散
山中無君長作檻舍以居男少女多無田農以木
皮蔽形婦或十或五共養一男子廣德初鳳迦異
築柘東城諸葛亮石刻故在文曰碑即什蠻爲漢
奴夷畏誓常以石措措大曆十四年閣羅鳳以鳳
迦異前死立其孫異牟尋以嗣異牟尋有智數善
撫衆略知書母李獨錦蠻女也獨錦蠻亦鳥蠻種
在秦藏川南天寶中命其長爲蹄州刺史世與南
詔婚聘異牟尋立悉衆二十萬入寇與吐蕃并力

一趨茂州踰文川擾灌口一趨扶文掠方維白坦
一侵黎雅叩邛邽關令其下曰爲我取蜀爲東府
工伎悉送還安城歲賦一練於是進陷城聚人率
走山德宗發禁衛及幽州軍以援東川與山南兵
合大敗異牟尋衆斬首六千級禽生捕傷甚衆顛
踣厓峭且十萬異牟尋懼更徙苴咩城築袤十五
里吐蕃封爲日東王然吐蕃責賦重數悉奪其險
立營候歲索兵助防異牟尋稍苦之故西瀘令鄭
回者唐官也往雋州破爲所虜閻羅鳳重其惇儒
號蠻利俾教子弟得箠榜故國中無不憚後以爲

察夫利名婆那字婆未無蠶桑有稻麥麻豆畜有
白象牛羊豬俗喜樓居謂爲干欄以白氎朝霞布
爲衣親喪在室不食燔屍已則剔髮浴于池然後
食貞觀時並遣使者再入朝又獻婆律膏白鸚鵡
首有十紅毛齊于翅因丐馬銅鍾帝與之情婆登
在環王南行二月乃至東訶陵西迷黎車北屬海
俗與訶陵同種稻月一熟有文字以具多葉寫之
死者實金于口以釧貫其體加婆律膏龍臘衆香
積薪燔之

抄和在真臘南自廣州西南海行百日乃至王姓

投和羅各脯邪迄遙官有朝請將軍功曹士簿贊
理贊府分領國事分州郡縣三等州有參軍郡有
金威將軍縣有城有局長官得選僚屬自助民居
率樓閣畫壁王宿衛百人衣朝霞耳金銀金縷被
頸寶飾革履頸盜者死文穿耳及頰而剗其髮盜
鑄者截手無賦稅民以地多少自輸王以農商自
業銀作錢類榆莢民乘象及馬無鞍勒繩穿頰御
之親喪斷髮為孝焚尸斂灰于巽沈之水貞觀中
遣使以黃金函內表并獻方物

摩博或曰瞻婆北距航伽河多野象羣行頭長中

總波岸千支弗舍跋若磨臘四國並遣使者入朝
千支在西南海中本南天竺屬國亦曰半支跋若
唐言五山也北距多摩耆耆又有哥羅舍分脩羅分
甘畢三國貢方物甘畢在南海上東距環王王名
旃陀越摩有勝兵五千哥羅舍分者在南海南東
嶺和羅脩羅分者在海北東距真臘其風俗大略
相類有君長皆柵郭一國勝兵二萬甘畢才五千
又有多摩耆耆東距婆風西多隆南千支弗北訶陵
北東西一月行南北二十五日行其王名骨利詭
云得大卵剖之獲女子美色以為妻俗無姓婚姻

不別同姓王坐常東向勝兵二萬有弓刀甲稍無
馬果有波那婆字護遮其國經薩盧都
訶盧君那盧林邑諸國戶得交州顯慶中貢方物
室利佛逝一曰尸利佛誓過軍徒弄山二千里地
東西千里南北四千里而遠有城十四以二國分
摠西曰郎婆露斯多金水砂龍腦夏至立八尺表
影在表南二尺五寸國多男子有橐它豹文而犀
角以乘且耕名曰它生豹又有獸類野豕角如山
羊名曰零肉味美以饋膳其王號曷密多感身至
開元間數遣使者朝表為邊吏侵掠有詔廣州府

撫又獻侏儒僧祇女各二及歌舞管使者為折衝
以其王為左威衛大將軍賜紫袍金鈿帶後遣子
入獻詔宴于曲江宰相會冊封賓義王授右金吾
衛大將軍還之

名蔑東接真陀桓西但游南屬海北波刺其地一
月行有州三十以十二月為歲首王衣朝霞氎賦
二卜取一交易皆用金准平直其人短小兄弟共娶
一妻婦總髮為角辨夫之多少王號斯多題龍朔
初使者來貢

單單在振州東南多羅磨之西亦有州縣亦多白

檀王姓刹利名尸陵伽日視事有八大臣號八坐
王以香塗身冠雜寶嬰近行乘車遠乘象戰必吹
鼙擊鼓盜無輕重皆死乾封總章時獻方物羅越
者北距海五千里西南哥公羅商賈往來所湊集
俗與暹羅鉢底同歲乘舶至廣州州必以聞
驃古朱波也自號突羅朱闍婆國人曰徒里拙在
永昌南二千里去京師萬四千里東陸真臘西接
東天竺西南墮和羅南屬海北南詔地長三千里
廣五千里東北袤長屬羊首咩城凡屬國十八曰
迦羅婆提曰摩禮烏特曰迦黎迦曰半地曰彌臣

曰坤朗曰偈奴曰羅聿曰佛代曰渠論曰婆梨曰
偈陀曰多歸曰麻去曳餘即舍衛瞻婆闍婆也凡鎮
城九曰道林王曰悉利移曰三陀曰彌諾道立曰
突曼曰帝偈曰達梨謀曰乾唐曰末浦凡部落二
百九十八以名見者三十二曰萬公曰充惹曰羅
君潛曰彌綽曰道雙曰道雍瓦曰道勿曰夜半曰不
惡奪曰莫音曰伽龍睽曰阿梨吉曰阿梨闍曰阿
梨忙曰達亦君曰求潘曰僧塔曰提梨郎曰望騰曰
擔泊曰祿烏曰乏毛曰僧迦曰提追曰阿未邏曰
逝越曰騰陵曰歐咩曰磚羅婆提曰祿羽曰陋蠻

唐書列傳卷之四十一
曰磨地勃繇彌臣至坤朗又有小崑崙部五名茫
悉越俗與彌臣同繇坤朗至祿羽有大崑崙王國
王名思利泊婆難多珊那川原大於彌臣繇崑崙
小王所居 日行至磨地勃柵海行五月至佛代
國有江支流三百六十其王名思利些彌他有川
名思利毗離芮土多異香北有市諸國估舶所
越 即闍婆也十五日行踰二大山一曰正迷一
曰射鞞有國其王名思利摩訶羅闍俗與佛代同
多音補邏以至闍婆八日行至婆賄伽盧國土
欄路植椰子榴椰仰不見日王居以金爲甃厨

覆銀瓦鬘香木堂飾明珠有三池以金爲隄舟楫
皆飾金寶鬘王姓因沒長名摩羅惹其相名曰摩
訶思那王出輿以金繩牀遠則乘象嬪史數百人
青甃爲圓城周百六十里有十二門四隅作浮圖
民皆居中鈔錫爲瓦勑支爲材俗惡殺拜以手抱
臂稽顙爲恭明天文喜佛法有百寺琉璃爲甃錯
以金銀卅彩紫鑲塗地覆以錦罽王居亦如之民
七歲祝髮止寺至二十有不達其法復爲民衣用
白氎朝霞以纈帛傷生不敢衣戴金花冠翠冒絡
以雜珠王宮設金銀二鍾寇至焚香擊之以占吉

凶有巨白象高百尺訟者焚香跽象前自思是非
而退有災疫王亦焚香對象跽自咎無桎梏有罪
者束五竹極背重者五輕者三殺人則死土宜叔
粟稻梁蕪大若晷無麻麥以金銀為錢形如半月
號登伽作亦曰足彈陀無膏油以蠟雜香代炷與
諸蠻市以紅猪白豨琉璃罌缶相易婦人當項作
高髻飾銀珠非衣青浚裙披羅段行持扇貴家者
傍至五六近城有沙山不毛地亦與波斯波羅門
接距西舍利城二十日行西舍利者中天竺也南
詔以兵疆地接當羈制之貞元中王維羌聞南詔

國唐有內附心異牟尋遣使楊加明詣劔南西川
節度使韋臯請獻夷中歌曲且令驃國進樂人於
是臯作南詔奉聖樂用正律黃鍾之均宮徵二變
象西南順也角羽終變象戎夷革心也舞六成工
六十四人贊引二人序曲二十八疊舞南詔奉聖
樂字舞人十六執羽翟以四為列舞南字歌聖主
無為化舞詔字歌南詔朝天樂舞奉字歌海宇脩
文化舞聖字歌雨露覃無外舞樂字歌闢土丁零
塞皆一章二疊而成舞者初定執羽蕭鼓等奏散
序一疊次奏第二疊四行贊引以序入將終雷鼓

唐書卷一百四十四 禮志第五十四 樂十一

作於四隅舞者皆拜金聲作而起執羽稽首以象
朝覲每拜跪節以鉦鼓次奏拍序一疊舞者分左
右蹈舞每四拍揖羽稽首拍終舞者拜復奏一疊
蹈舞拊揖以合南字字成徧終舞者北面跪歌道
以絲竹歌已俯伏鉦作復揖舞餘字皆如之唯聖
字詞未皆恭揖以明奉聖每一字曲三疊名為五
成次急奏一疊四十八人分行聲折象將臣御邊
也字舞畢舞者十六人為四列又舞闕四門之舞
濂舞入徧兩疊與鼓攻合節進舞三退舞三以象
三才三統舞終皆稽首遂巡又一人舞億萬壽之

舞歌天南滇越俗四章歌舞七疊六成而終七者
火之成數象天子南面生成之恩六者坤數象西
南向化凡樂二十二百九十六人分四部一龜茲
部二大鼓部三胡部四軍樂部龜茲部有羯鼓指
鼓雙月鼓雞婁鼓知笛大小箏箏拍板皆八長短簫
橫笛方響大銅鼓凡皆四凡工八十八人分四列
龜茲舞建四隅以合節鼓大鼓部以四為列凡二十
四星龜茲部四部有箏大小箏篋五絃琵琶笙
橫笛短笛拍板皆八大小箏箏皆四工七十二人
分四列屬舞建之隅以導歌詠軍樂部金鏡金鐸

皆二摑鼓金鉦皆四鉦鼓金飾蓋垂流蘇二十二
人服南詔服立闕四門舞庭四隅節拜合樂又十
六人畫半臂執摑鼓四人為列舞人服南詔衣絳
褘襦黑頭縷金半臂畫皮鞞首飾祿額冠金寶花
髮曼孺上復加畫半臂執羽翟舞俯伏以象朝拜裙
襦畫鳥獸草木文以八綵雜華以象庶物咸遂羽
葆四垂以象天無不覆正布位以象地無不載
分四列以象四氣舞為五字以象五行秉羽翟以
象文德節鼓以象號令遠布振以鐸明采詩之義
用龜茲等樂以象遠東悅服鉦鼓則古者振旅狀

捷之樂也菁鍾者聲配運為土明土德常成菁
得乾初九白為其宮則林鍾四律以正聲應之象
大君南面揖笑天統於上乾道明也林鍾得坤初六
其位西南而南感至化於下坤體順也太蔟得乾
九二曰是為人統天地正而三才通故太蔟以太蔟
三才既通商呂復以羽聲應之商呂西西方金也
羽北方水也金生水悅而應乎時以象西戎北狄悅
服然後治洗以角音終之治故也洗濯也以象南
詔歸也黃鐘以洗過日新皋以五宮異用獨唱殊
音復述五均譜分金石之節奏一曰黃鐘宮之宮

軍士歌奉聖樂者用之舞人服南詔衣秉耒耨併伏
拜拊合南詔奉聖樂五字偈詞五舞人乃易南方
朝天之服絳色七節襦袖節有青標排袷以象鳥
翼樂用龜茲胡部金鉦柁鼓鉦具六鼓二曰太鼓
商之宮文子歌奉聖樂者用之合以管絃琴瑟庭
下則獨舞一曲樂用龜茲鼓笛各四部與胡部等
合作琵琶笙篳篥篳篥皆八大小箏角葉箏五絃琵琶長
笛短笛方響夏曰四音龜茲部前次具一人六鼓十
二分左右餘皆坐奏三曰沽洗角之宮應古律林
鍾為徵宮文子歌奉聖樂者用之舞者六十四人

飾羅練襦袖間以八采曳雲花層疊首飾雙鳳八卦
絲垂花鬘受執羽為拜拊之節以林鍾當地統象威
功備萬物成也鍾鳳明律呂之和也八卦明還相
為用也練雲象雲也花鬘象冠也合奉聖樂三字
唱詞二表天下禮聖也小女子字舞則碧色襦袖
象角音主木首飾髮對雁活洗之氣以六人略後
象六合一心也樂用龜茲胡部其鉦柁鏡鐸皆覆
以練蓋飾以花狀一陳錦綺垂流蘇後瑞圖曰王
者有道則儀鳳在宮故羽葆鼓柁以鳳凰鉦接孔
雀鏡鐸集以朝雉為鉦柁頂足又飾南方為獸明澤

及飛走翔伏鉦柁鑼鑼皆二人執擊之貝及大鼓
工伎之數與軍士奉聖樂同而加鼓笛四部四曰
林鍾徵之宮鉦拍單聲奏奉聖樂之文夫一人獨舞
樂用龜茲鼓笛每色四人方響二口貝過瑟部前二
隅有金鍾中植金鑿二貝二鈸鉦二大鼓十二分
左右五曰南呂羽之宮應古律黃鍾爲君之宮樂
用古黃鍾方響音一大琵琶五絃琵琶大絃篋作黃
鍾感樂小感用木琴笙埙篳篥箏笛篳篥篳篥
笛節鼓拍板笙工皆一人坐奏之絲竹緩作一人
獨唱歌工復滿唱軍士奉聖樂詞雅弄亦遣弟悉

利移城主舒難陀獻其國樂至成都章阜復讚
其聲以其舞容樂器異常乃圖書以獻工器二十
有一其音八金貝絲竹匏革牙角金一具一絲七
竹一匏一革一牙一角一鈴鉦四制如龜茲部周
圓三寸貫以韋擊磕應節鐵板一長二寸五尺博
二寸五分面平背有柄係以韋與鈴鉦皆飾條紛
以花纒縷爲蕊米螺貝四大者可受一升飾條紛有
鳳首篋篋一其長二尺腹廣七寸鳳首及項長
二尺五寸面飾鴉皮絃一十有四項有軫鳳首外
向其一頂有條軫有龜首等一其形如龜長四

尺有四足虛腹以鼉皮飾背而及仰肩如琴廣七寸腹闊八寸尾長尺餘卷上虛中施關以張九絃左右二十八柱其一面向飾彩花傳以鼉皮為別有龍首琵琶一如龜茲製而項長二尺六寸餘腹廣六寸一龍相向為首有軫柱各三絃隨其數兩軫在項一在頸其覆形如師子有雲頭琵琶一形如前面飾鼉皮四面有牙釘以雲為首軫上有花象品字三絃覆手皆飾鼉皮刻捍撥為舞龍鬣狀而彩飾之有大匏琴二覆以半匏皆彩畫之上加銅以竹為琴作鼉文橫其上長三尺餘頭曲如拱

長二寸以條繫腹穿甌及匏本可受二升大絃應太簇次絃應如洗有獨絃匏琴以班竹為之不加飾刻木為鼉首張絃無軫以絃繫頂有四柱如龜茲琵琶絃應太簇有小匏琴一形如大匏琴長二尺大絃應南呂次應應鍾有橫笛一一長尺餘取其合律去節無瓜以蠟實首上加師子頭以牙為之穴六以應黃鍾商備五音七聲又一管哇加象首律度與荀勗笛譜同又與清商部鍾鼓有兩頭笛一長二尺八寸中隔一節節左右開管一穴兩端皆八分洞體為笛量左端應太簇管末三穴一姑洗一蕤賓三夷

則右端應林鍾管末三穴一南宮二應鍾三大呂下
托指一穴應清太簇兩洞體七穴共備黃鍾林鍾
兩均有大匏笙二皆十六管左右各八形如鳳翼
大管長四尺八寸五分餘管參差相次製如笙管形
亦類鳳翼竹爲簧貫穿匏達本上古八音皆以木漆
代之用金爲簧無匏音唯驃國得古製又有小匏
笙二製如大笙律應林鍾商有三面鼓二形如酒
缸高二尺首廣下銳上博七寸底博四寸腹廣不
首冒以氍皮束二爲一碧條約之下當地則不冒
而畫驃國工伎執笙鼓以爲飾有小鼓四制表如

長五寸首廣二寸五分冒以氍皮牙釘彩飾無
柄搖之爲樂節引首者皆執之有牙笙穿匏達本
漆之上植二象牙代管隄並黃皆應姑洗有三角笙
亦穿匏達本漆之上植三牛角一簧應姑洗餘應南
呂角銳在下穿匏達本柄用管首直有兩角笙亦穿
匏達本上植一牛角笙應姑洗匏以彩飾凡曲各十
有二一曰佛印驃云沒歌彌國人及天竺歌以事王也
二曰讚婆羅花驃云龍奔第國人以花爲衣服能淨
其身也三曰白鴿驃云各都美其飛止遂情也四曰白
鶴游驃云翫設底哩謂翔則摩空行則徐步也五

曰鬪羊勝驃云來乃昔有人見二羊鬪海崖疆者則見弱者入山時人謂之來乃來乃者勝勢也六曰龍首獨琴驃云彌思彌此一絃而二音備象上一德以畜萬邦也七曰禪定驃云掣覽詩謂離俗寂靜也七曲唱舞皆律應黃鍾商八曰甘蔗王驃云渴思略謂佛教民如蔗之甘皆悅其味也九曰孔雀王驃云挑臺謂毛采光華也十曰野鵝謂飛止必雙徒侶畢會也十一曰宴樂驃云龍聰網摩謂時康宴會嘉也十二曰滌煩亦曰笙舞驃云色那謂時為煩皆以此適情也五曲律應黃鍾兩均一黃鐘商

伊越調一林鍾商小植調樂工皆崑崙夜絳絳初以爲蔽膝謂之袂補兩肩加朝霞絡腋足臂有金真銀釧冠金冠左右珥璫條貫花鬘雙簪散以香初奏樂有贊者一人先導樂意真舞容隨曲用人或一或六或四或八至十皆珠目拜首稽首以終節其樂五譯而至德宗授舒難陀大僕卿遣還開州刺史唐次述驃國獻樂頌以獻太和六年南詔掠其民二千徙之拓東兩巒蠻自曲州靖州西南昆川曲軌晉寧喻獻安寧距龍和城通謂之西巒蠻白蠻自彌鹿并麻二川南至步頭謂之東巒烏蠻

西蠻自云本安邑人七世祖晉南寧太守中國亂
遂王蠻中梁元帝時南寧州刺史徐文盛召詣荆
州有蠻瑣者據其地延袤二千餘里土多駿馬犀
象明珠既死子震詭分統其衆隋開皇初遣使朝
貢命章世冲以兵戍之置恭州協州昆州未幾叛
史萬歲擊之至西洱河滇池而還震詭懼而入朝
文帝誅之諸子沒為奴高祖即位以其子弘達為
昆州刺史奉父喪歸而益州刺史段綸遣俞大施
至南寧治其範川誘諸部皆納款貢方物太宗遣
將擊西蠻開青蛉弄棟為縣蠻蠻之西有徒莫祗

儉望弄蠻貞觀二十三年內屬以其地為傍望
丘求五州隸郎州都督府白水蠻地與青蛉弄棟
接郎州亦隸弄棟西有大勃弄小勃弄二川蠻其
西與黃瓜葉榆西洱河接其衆完富與蜀埒無酋
長喜相讎怨永徽初大赦弄楊承顛私署將帥寇
麻州都督任懷玉招之不聽高宗以左領軍將軍
趙孝祖為郎州道行軍總管與懷玉討之至羅什
侯山其酋禿磨蒲與大鬼主都干以衆塞菁口孝
祖大破之夷人尚鬼謂主祭者為鬼主每歲戶出
一牛或一羊就其家祭之送鬼迎鬼必有兵因以

復仇云孝祖按軍多棄城逐北至周近水大酋儉
弥于鬼主董朴瀕水爲柵以輕騎逆戰孝祖擊斬
弥于禿磨蒲鬼主十餘級會大雪輒凍死者略盡
孝祖上言小勃弄大勃弄常誘弄棟叛今因破白
水請遂西計詔可孝祖軍入夷人皆走險小勃弄
酋長歿盛屯白旗城率萬騎戰敗斬之進至大勃
弄揚承顛嬰城守孝祖招之不從磨軍進執承顛
餘屯大者數萬小數千皆波降之西南夷遂定罷
郎州都督更置戎州都督巽弘達旣死以巽歸王
爲南寧州都督居石城襲殺東巽首領蓋聘及下

蓋啓徒共範以有兩巽大鬼主崇道者與弟日進
日用居安寧城之間草仇兼瓊開步頭路築安寧
城羣蠻震駭共殺築城使者玄宗詔蒙歸義討之
師次波州歸王及崇道兄弟千餘人泣首謝罪赦
之俄而崇道殺日進及歸王歸王妻阿妮烏蛮女
也走父部乞兵相仇於是諸蠻亂阿妮遣使詣歸
義求殺夫者書間詔以其子守隅爲南寧州都督
歸義以女妻之又以一女妻崇道子輔朝然崇道
守隅相攻討不置阿妮訴歸義爲興師營昆川崇
道走黎州遂虜其族一輔朝收其女崇道俄亦使

殺詣爨稍離弱閩羅鳳立召守隅并妻歸河耽不通
中國阿妮自主其報落歲入朝息賞蕃厚閩羅鳳
遣昆川城使揚牟利以兵脅西爨徙戶二十餘萬
於永昌城東爨以言語不通多散依林谷得不徙
自曲靖州石城升麻昆川南北至龍和皆殘于兵
日進等子孫居永昌城烏爨種復振徙居爨西故
地與峯州為隣貞元中置都督府領羈縻州十八
烏爨與南詔世昏姻其種分七部落一曰阿苾路
居曲州靖州故地二曰阿猛三曰蒙山四曰暴蠻
五曰盧鹿蠻一部落分保竹子嶺六曰磨訖斂

七曰勿鄧土多牛馬無布帛男子髮髮女人被髮
皆衣牛羊皮俗尚巫鬼無拜跪之節其語四譯乃
與中國通大部落有大鬼主百家則置小鬼主勿
鄧地方千里有邛部六姓一姓白蠻也五姓烏蠻
也又有初裹五姓皆烏蠻也居邛部臺登之間婦
人衣黑縵其長曳地又有東欽蠻二姓皆白蠻也
居北谷婦人衣白縵長不過膝又有粟蠻二姓雷
蠻三姓夢蠻二姓散處黎舊戎數州之鄙皆隸勿
鄧勿鄧南七十里有两林部落有十低二姓阿屯
三姓虧望三姓隸焉其南有豐琵琶部落阿諾二姓隸

唐書列傳一百四十一
馬兩林地雖陜而諸部推爲長號都大鬼主勿鄧
豐琶兩林皆謂之東蠻天寶中皆受封爵及南詔
陷嵩州遂羈屬吐蕃貞元中復通款以勿鄧大鬼
主直嵩兼邛部團練使封長川郡公及死了直驃
離幼以直夢衝爲大鬼主數爲吐蕃侵獵兩林都
大鬼主直那時遣韋臯書乞兵攻吐蕃臯遣將劉
朝彩出銅山道吳鳴鶴出清溪關道鄧英俊出定
蕃柵道進逼臺春城吐蕃退壁西貢川據高爲營
直那時戰其力分兵大破吐蕃青海臘城二節度
軍於北谷青海大兵馬使乞藏遮遮臘城兵馬使

悉多揚朱節度論東柴大將論結突黎等比戰死
執籠官四十五人鎧仗一萬牛馬稱是進拔于葱
柵乞藏遮遮尚結贊子也以刀還其下曩直節度
蘇論百餘人行哭使一人立尸左一人問之曰瘡
痛乎曰然即傳藥曰食乎曰然即進膳曰衣乎曰
然即命裘又問歸乎曰然以馬載尸而去詔封直
邠時爲順政郡王直夢衝爲懷化郡王豐琶部落
大鬼主等傍爲和義郡王給印章袍帶二千皆入
朝宴麟德殿賞資加等歲給其部祿鹽衣綵黎舊
二州吏就賜之以山阻多爲盜侵亡失所賜臯令

二州爲築館有賜約酋長自至授賜而遣之然直
夢種內附吐蕃斷南詔使路皇遣攜州摠管蘇嘉
以兵二百召夢衝至琵琶川聲其罪斬之披其族
爲六部以掾棄主之及首驃離長乃命爲大鬼主
驃傍年少驍敢數出兵攻吐蕃吐蕃間道焚其居
室部落亡所賜印章畢爲請復得印纓蠻西有昆
明蠻一日昆彌以西洱河爲境即葉榆河也距京
師九千里土敵濕官杭稱人辨首左衽與突厥同
隨水草畜牧夏處高山冬入深谷尚戰死惡病亡
悉兵數萬武德中崔州治中吉暉使南寧因至其

國諭使使朝貢求內屬發兵成守自是歲與牂柯
使僞來龍朔三年矩州刺史謝法成招慰比樓等
七千戶內附總章三年置祿州湯望州咸亨三年
昆明十四姓率戶二萬內附析其地爲穀州摠州
黔州以安輯之穀州居戎州西北摠州居西南黔
州居南遠不過五百餘里近二百里其後又置盤
麻等四十一州皆以首領爲刺史昆明東九百里
即牂柯國也兵數出侵地數千里元和八年上表
請盡歸牂柯故地開成元年鬼主阿珮內屬會昌
中封其別帥爲羅殿王世襲爵其後又封別帥爲

滇王嘗牂柯蠻也東距辰州二千四百里其南千
五百里即交州也無城郭土熟多霖兩稻粟再熟
無徭役戰乃屯聚刻木為契盜者倍三而償殺人
者出牛馬三十俗與東謝同首領亦姓謝氏至龍
羽有兵二萬武德三年遣使者朝以其地為牂州
拜龍羽刺史封夜郎郡公其北百五十里有別部
曰兖州蠻勝兵二萬亦來朝貢以地為兖州開元
中牂柯酋長元齊死孫嘉藝龍襲官封其後乃以趙
氏為酋長二十五年趙君道來朝其裔有趙國珍
天寶中戰有功閻羅鳳叛宰相楊國忠兼劔南節

度使以國珍有方略授黔中都督屢敗南詔護五
溪十餘年天下方亂其部獨寧終工部尚書貞元
中官其酋長趙士裕亦以襲朝貢不絕至十八年
五遣使朝元和二年詔黔南觀祭使常以本道將
為押領牂柯昆明等使自是數遣使或朝正月詔
開成不絕故事戎夷朝貢將至都中官驛勞於郊
既及歸恩禮元渥西蠻之南有東謝蠻居黔州西
三百里南距守官徠西連夷子地方千里宜五穀
為畬田歲一易之衆處山巢居汲流以飲無賦稅
刻木為契見貴人執鞭而拜賞有功者以牛馬銅

鼓犯小罪則校大事殺之盜劫者倍償昏姻以牛
酒為聘女歸夫家天慙避之旬日乃出會聚擊
銅鼓吹角俗推髻鵠以絳垂于後坐必蹲踞常帶
刀劔男子服衫襖大口袴以帶斜繚右肩以螺殼
虎豹援狔犬羊皮為飾有謝氏世為酋長部落尊
畏之其族不育女自以姓高不可以嫁人貞觀三
年其酋元深入朝冠烏熊皮若注旒以金銀絡額
被毛被韋行滕著履中書侍郎顏師古因是上言
昔周武王時遠國入朝大史次為王會篇今蠻夷
入朝如元深冠服不同可寫為王會圖詔可帝以

地為應州即拜元深刺文隸黔州都督府又有南
詔首領謝彊亦來朝以其地為莊州授彊刺史建
中三年大酉長檢校蠻州長史資陽郡公宋鼎與
諸蠻朝貢德宗以其國小不許許於黔中觀察使
王夔以州長將何願隨祥初朝賀夔奏非蠻三州
戶繁力強為隣番所憚請許三年一朝詔從之元
和中辰濊蠻酋張伯靖據本道督斂苛刻聚眾叛
侵播豐二州黔中經略使崔能荆南節度使嚴綬
湖南觀察使柳公綽討之二歲不能定伯靖上表
請隸荆南乃降崔能內恨之更請調荆南湖南桂

管軍爲援約西原十洞兵皆出可以成功公卿議者皆以爲便宰相李吉甫曰伯靖挾怨而叛豈以大兵而招之可不戰自定乃命能兵母出獨詔嚴綬招伯靖率家屬詣江陵降授右威衛羽府中郎將東謝南有西趙蠻東距夷子西屬昆明南西洱河也山險阻深莫知道里南北十八日行東西二十三日行戶萬餘俗與東謝同趙氏世爲公酋長夷子無姓姓李氏與西趙比日南蠻別種勝兵各萬人自古未嘗通中國黔州刺史田康諷之故貞觀中皆遣使入朝西趙首領縶心西摩率所部萬餘戶內

附以其地爲明州授酋摩刺史松外蠻酋數十百部大者五六百戶小者二三百戶黔十姓趙楊李董爲酋其族皆擅山川不能相若長有城郭文字頗知陰陽曆數自夜郎滇池以西皆莊躡之裔有稻麥粟豆絲麻薤蒜桃李以十二月爲歲首布幅廣七寸正月號蠶生二月熟男子袒革爲帔女衣純布裹衫髮盤如髻飯用竹筯搏而噉之烏採貯羹如雞糝徒跣有舟無車死則坎地殯舍左奉之二三年乃葬以蠶蚌封棺父母喪斬衰布衣不澡者四五十年近者二二年爲人所殺者子以麻括髮墨面衣

不緝居喪昏嫁不廢亦弗避同姓婚不親迎富室娶妻納金銀牛羊酒女所齎亦如之有罪者樹一長木擊鼓集衆其下彊盜殺之富者貴死燒屋奪其田盜者倍尤而償贖姦淫則彊族輸金銀請和而棄其妻處女釐婦不坐凡相殺必報力不能則其部助攻之祭祀殺牛馬親臨畢會助以牛酒多至數百人貞觀中雋州都督劉伯英上疏松外諸蠻寇亂附叛請擊之西洱河天竺道可通也居數歲太宗以右武侯將軍梁建方發蜀十二州兵進討酋帥雙金拒戰敗走殺獲千餘萬羣蠻震駭

走保山谷建方諭降者七十餘部戶十萬九千餘首領蒙和爲縣令餘衆感悅西洱河亦卑亦曰河塞道繇郎州走三千里建方遣奇兵自雋州道千五百里掩之其帥楊盛大駭欲遁去使者好語約降乃遣首領十人納款軍門建方振旅還二二二年西洱河大首領楊同外東洱河大首領楊欽松外首領蒙羽皆入朝授官秩顯慶元年西洱河大首領楊棟附顯和亦遣大首領王羅祁郎昆梨盤四州大首領王伽衛率部落四千人歸附入朝貢方物其後茂州西南築安戎城絕吐蕃通亦罽道生荒

為吐蕃鄉道守攻拔之增兵以守西洱河諸亦皆臣
吐蕃開元中首領始入朝授刺史會南詔蒙歸義
拔大和城乃北徙更羈制於浪穹詔浪穹切詔已破
又徙雲南柘城黎州領羈縻秦州三十一南開
元十七年又領羈縻真梁上貴等州三十一南路
有廓清道部落主三人婆曠鬼主十人又有阿逼
亦蠻分十四部落一曰大龍池二曰小龍池三曰控
四曰直質五曰烏拔六曰直質七曰蕭葉八曰
戎列九曰婆狄十曰石地十一曰羅悉十二曰詵
十三曰離質十四曰星漢黎邛二州十東又有

蠻西有二王亦蠻蓋祿都夷白馬氏之遺種楊劉郝
三姓世為長襲封王謂之三王部落疊壁而居號
調舍歲稟節度府帛三千匹以調南詔而南詔亦
密賂之規成都虛實每節度使至酋長來謁節度
使多奏威惠所懷以罔天子也前詔必請於都押
衙且聽命都押衙不令者輒諷其叛常倚三王部
落求姑息至唐末益其雅州西有通吐蕃道二曰
夏陽曰巽松曰始陽皆諸蠻錯居凡部落四十六
距州三百餘里之外有百坡當品嚴城中川鉗矣
昌逼鉗井七部落四百餘里之外有羅巖當馬三

井東鋒名耶鉗恭畫重羅林籠羊林波林燒龍逢
索古敢川驚川禍眉不燭十七部落五百餘里之
外有諾祿三恭布嵐欠馬論川讓川遠南卑盧夔
龍曜川金川東嘉梁西嘉梁十三部落六百餘里
之外有椎梅作重禍林金林羅蓬五部落皆羈縻
州也以首領襲刺史雋州新安城傍有六姓亦虫一
曰蒙亦虫二曰夷亦虫三曰訛亦虫四曰狼亦虫餘勿鄧及
白亦虫也戎州管內有馴騁浪三州大鬼主董嘉慶
累出內附以忠謹稱封歸義郡王貞元中狼亦虫亦
請內附補首領浪沙爲刺史然卒不出劍南西川

節度使章臯徵嘉慶兼押狼亦虫又有魯望等部落
徙居戎州馬鞍山臯以其遠邊徵戶給米二斛鹽
五斤北又有浪稽亦虫羅可谷亦虫東有婆秋亦虫烏皮
亦虫南有離東亦虫鍋銓亦虫西有磨此亦虫與南詔越析
相姻婭自浪稽以下古滇王哀牢雜種其地與吐
蕃接亦有姐羌古白馬氏之裔劍山當吐蕃大路
屬石門柳彊二鎮置戍守捉以招討使領五部落
一曰弥羌二曰鑠羌三曰胡叢其餘東欽磨此也
又有夷望鼓路西望安樂湯谷佛亦虫虧野阿醯阿
鷄鉞亦虫林井阿異十二鬼主皆隸雋州又有奉國

首伽十一部洛春秋受賞於雋州然挾吐蕃為輕
重每節度使至諸部獻馬西長衣虎皮餘皆紅氍
東髮錦纈襖半臂既見請匹錦斗酒折草招父祖
奄以歸鄉里及還裹錦植馬上而去又有顯養東
魯諸亦蛮永徽二年與胡業叢皆叛高宗以右驍衛將
軍曹繼叔為雋州道行軍摠管戰斜山拔十餘城
斬首七百獲馬犛牛萬五千姚州境有永昌亦蛮居
古永昌郡地咸亨五年叛高宗以太子右衛副率
梁積壽為姚州道行軍摠管討平之武后天授中
遣御史裴懷古招懷至長壽時大首領董期率部

漢一萬山屬其西有撲子蛮趨悍以青沙沒羅為通
身袴善用竹弓入林射飛鼠無不中無食器以蕉
葉藉之人多長大負排持鰐而鬪又有望蛮者用
木弓短箭鐵傳毒藥中者立死婦人食乳酪肥白
跣足青布為衫裳聯貫珂貝珠絡之髻垂手後有
夫者分兩髻羣亦蛮種類多不可記有黑齒金齒銀
齒二種見人以漆及鏤金銀飾齒寢食則去之且
頂為髻青布為冠通袴有繡脚種刻踝至跗為又有
繡面種生踰月混蠻集於面有雕題種身面涅無有
穿鼻種以金銀徑尺貫其鼻下垂過頤君長以絲

係綴人牽乃行其次以二花頭金釘其鼻下出又有長鬚種棟鋒種皆額則爲長鬚下過臍行以物舉之君長則一女在前其與其鬚乃行安南有生亦蠻林觀符部落大審中置德化州戶一萬又以潘歸國部落置龍武州戶千五百詔安南節度使綏定之貞元七年始以驩峯一州爲都督府驩在安南限重海與文單占安接峯統羈縻州十八與蜀蠻亦相接

南平獠東距智州南屬渝州西接南州北涪州戶四千餘多瘴癘山有毒草沙虱蝮蛇人棲居第而

上名爲千髑婦人橫布一幅穿中貫其首號曰通裙美髮髻重於後竹筒二寸斜穿其耳貴者飾以珠璫俗女多男少婦人任役昏法女先以花貝求男貧者無以嫁則賣爲婢男子在祖露路多徒跣其王姓朱氏號劍荔王貞觀二年遣使內詔以其地隸渝州有飛頭獠者頭欲飛周項有飛如蠶妻子共守之及夜如病頭忽亡其目還又有鳥武獠地多瘴毒守者不能飲藥故自斃盡世有雩舞以爲南平渠帥陳末以其帥猛力爲寧趙太守陳末自以爲與陳叔寶同日而生當代爲天子乃不入朝隋兵

阻瘴不能進猛力死子長直龍刺史及討林邑長
真出兵攻其後又率部落數千從征遼東煬帝召
爲鴻臚卿授安撫大使遣還又以其族人審宣爲
合浦太守隋亂帥以地附蕭銜長直部越兵攻立
和於交阯者也武德初以寧越鬱林之地降自是
交變數州始通高祖授長直欽州都督審宣亦遣
使請降未報而卒以其子絕爲廉州刺史族人道
明爲南越州刺史六年長直獻大珠昆州刺史沈
遜蘇州刺史歐陽世普象州刺史秦元覽亦獻貢
布高祖以道遠勞人皆不受道明與高州首領

談歟據南越州反攻在州審絕以兵援之八年
長直陷封山縣昌州刺史龐孝恭椅擊暄等走之
明年道明爲州人所殺未幾長直死子據襲刺史
馮暄談歟阻兵相掠羣臣請擊之太宗不許遣真
外散騎常侍韋叔諧真外散騎侍郎李公淹持節
宣諭暄等與溪洞首領皆降南方遂定大抵劔南
諸獠武德貞觀間數寇暴州縣者不一巴州山獠
王多擊叛梁州都督龐玉梟其首又破餘黨符陽
白石二縣獠其後眉州獠反益州行臺郭行方大
破之未幾又破洪雅一州獠俘男女五千口是歲

益州獠亦反都督竇軌請擊之太宗報曰獠依山
險當拊以恩信脅之以兵威豈為人父母意耶貞
觀七年東西五洞獠反以右屯衛大將軍張士貴
爲龍州道行軍總管平之十二年巫州獠叛夔州
都督齊善行擊破之俘男女三千餘口鈞州獠叛
桂州都督張寶德討平之明州山獠又叛交州都
督李道彥擊走之是歲巴洋集壁四州山獠叛攻
巴州遣右武侯將軍上官懷仁破之于壁州虜男
女萬餘明年遂平十四年羅賓諸獠叛以廣州都
督克仁弘爲賓州道行軍總管擊之虜男女七千

太宗再伐高麗爲船劔南諸獠皆平役雅邛
三州獠不堪其擾相率叛詔發隴右峽兵二萬以
茂州都督張士貴爲雅州道行軍總管與右衛將
軍梁建方平之高宗初琰州獠叛梓州都督謝萬
歲充州刺史謝法興黔州都督李孟嘗討之萬歲
法興入洞招慰遇害顯慶三年羅賓生獠酋領多
胡桑率衆內附上元末納州獠叛寇故茂都掌二
縣殺吏民焚廨舍詔黔州都督發兵擊之大曆二
年桂州山獠叛陷州刺史李良遁去貞元中嘉州
綏山縣婆籠川生獠酋領甫和兄弟誘生蠻爲亂

剽居人西川節度使韋皋斬之招其首領男子等
出降或請增柵東凌界以守皋不從曰無戎而城
害所生也獠亦自是不擾境戎瀘間有葛獠居依
山谷林菁踰數百里俗喜叛州縣撫視不至必合
黨數千人持排而戰奉酉帥為王號曰婆能出入
前後植旗大中末昌瀘二州刺史貪吝以弱縉及
羊彊獠市米麥一斛得直不及半羣獠訴曰當為
賊取死耳刺史乃召二小吏榜之曰皆爾屬為之非
吾過獠相視大笑遂叛兵西長始文為王踰梓潼
所過焚剽刺史劉成師誘降其黨斬首領七十餘

人餘衆遁至東川節度使柳仲郢諭降之始文稽
首請罪仲郢皆遺之成都西北二千餘里有附國
蓋漢西南夷山其東部有嘉良夷無姓氏地縱八
百里橫西四千五百里無城柵居山谷疊石為巢
高十餘丈以高下為差作狹戶自內以通上王酋
帥以金飾首冠垂金花徑三寸地高涼多風少雨
宜小麥多白雉嘉良夷有水廣三十步附國水廣
五十步皆南流以旱為船附國南有薄緣夷西接
女國三濮者在雲南徼外千五百里有文曰濮俗
鑊面以青涅之赤口濮裸身而折齒鬻其膚使赤

黑棘濮山居如人以幅布爲裙貫頭而繫之丈夫
衣穀皮多白蹄牛虎鳧龍朝中遣使與千支弗磨
臘同朝貢

西原蠻居廣容之南邕桂之西有審氏者相承爲
豪又有黃氏居黃橙洞其隸也其地西接南詔天
寶初黃氏彊與韋氏周氏儂氏相脅齒爲寇害據
十餘州韋氏周氏既不肯附黃氏攻之逐于海濱
至德初首領黃乾曜真崇鬱與陸州武陽朱蘭洞
蠻皆叛推武承斐韋敬簡爲帥僭號中越王廖穀
爲桂南王莫洩爲拓南王相友爲南越王梁奉爲

南王羅誠爲戎成王其大澤爲南海王合衆二千

餘地數千里署置官吏攻桂管十八州所至焚

廬舍掠士女更四歲不能平乾元初遣中使慰撫

諸首領賜詔書赦其罪約降於是西原環古等州

首領方子彈甘令暉羅承韋張九解宋原五百餘

人請出兵討承斐等歲中戰二百斬黃乾曜真崇鬱

崇廖穀莫洩梁宗率羅誠莫洩七人承斐等以餘衆

面縛請桂州降盡釋其縛差賜布帛緡之其種落

張侯夏永與夷獠梁宗率曹開及西原酋長兵功

曹復合兵四寇陷道州據城五十餘日桂管無路

使邢濟擊平之執吳功曹等餘衆復圍道州刺史
元結固守不能下進攻永州陷邵州留數日而去
湖南團練使辛京果遣將王國良成武崗族京果
貪暴亦叛有衆千人侵郴州縣發使招之且服且
叛建中元年城淑州以鬱西原國良乃降貞元十
年黃洞首領黃少卿者攻邕管圍經略使孫公器
請發嶺南兵討之德宗不許命中人招諭不從
俄陷欽橫潯興四州少卿子曰白沔趨勇前後陷十
三州氣益振乃以唐州刺史陽旻爲容管招討經
略使引師掩賊一日六七戰皆破之侵地悉復元

和初邕州擒其別帥黃承慶明年少卿等歸款拜
順州刺史弟少高爲有州刺史未幾復叛又有
黃少度黃昌瓏二部陷賓巒二州據之十一年攻
欽橫二州邕管經略使韋悅破走之取賓巒二州
是歲復署嚴州桂管觀察使裴行立輕其軍弱首
請及兵盡誅叛者徼幸有功憲宗許之行立兵出
擊行立更二歲妄奏斬獲二萬罔天子爲解自是邕
容兩道殺傷疾疫死者十八以上調費闕亡繇行
立陽旻一人當時莫不咎之及安南兵亂殺都護
李象古擢唐州刺史桂仲武爲都護逗留不取進

賤安州刺史以行立代之尋乃召還卒長慶初以各
管經略使留後嚴公素為經略使復上表請討黃
氏兵部侍郎韓愈建言黃賊皆洞獠無城郭依山
險各治生業急則屯聚畏死前日邕管經略使德
不能緩懷威不能臨制侵詐係縛以致憾恨夷性
易動而難安劫州縣復私讎負小利不為大患自
行立陽旻建征討生事詭賞邕容兩管日以凋弊
殺傷疾患十室九空百姓怨嗟如出一口人神共
嫉二將繼死今嚴公素非撫御之才復尋往謬誠
恐嶺南未有寧時昨合邕容為一道邕與賊限一

江若經略使居之兵鎮所處物力雄完則敵人不
敢輕犯容州則隔阻已甚以經略使居之則邕州
兵少情見易啓蠻心請以經略使還邕州容置刺
史便甚又比發南兵遠鄉羈旅疾疫殺傷續添續
死每發倍難若募邕容千人以給行營糧不增而
兵便習守則有威攻則有利自南討損傷嶺南人
希賊之所趨洞壘荒僻假如盡殺其人得其地在
國計不為有益容實羈縻比之禽獸來則捍禦去
則不追未有虧損朝廷願因改元大慶普赦其罪遣
郎官御史以天子意丁寧首諭必能謹听命為

選材用威信者委以經略處理得方宜無侵擾事
不納初邕管既廢人不謂宜監察御史杜周士使
安南過邕州刺史李元宗白狀周士從事五管積
三十年矣亦知其不便嚴公素遣人盜其橐周士
憤死公素劾元宗擅以羅陽縣還黃少度元宗懼
引兵一百持印章依少度穆宗遣監察御史故僚
按之僚嘗為容州從事與公素暱傳致元宗罪以
毋老流驩州衆以為不直黃賊更攻邕州陷左江
鎮攻欽州陷千金鎮刺史楊嶼奔石南柵邕州刺
史崔紇擊破之明年又寇欽州殺將吏是歲黃昌

瓊遣其黨陳少奇二十人歸款請降敬宗納之黃
氏儂氏據州十八經略使至遣一人詣治所稍不
得意輒侵掠諸州橫州當邕江官道嶺南節度使
常以兵五百戍守不能制大和中經略使董昌自
遣子蘭討平峒穴夷其種黨諸蠻畏服有違命者
必嚴罰之十八州歲輸貢賦道路清平其後儂洞
最彊結南詔為助懿宗與南詔約和二洞數構敗
之邕管節度使辛儼以從事徐雲慶使南詔結和
齎美貨啖二洞首領太州刺史黃伯益屯洞首領
儂金意負州首領儂金勸等與之通驩首州又有

首領儂金澄儂仲武與金勒龍裝黃洞首領黃伯善
伯善伏兵灤水雞鳴候其平濟擊殺金澄仲武唯
金勒遁免後欲興兵報仇辛謹遣人持牛酒音樂
解和并遺其母衣服母賢者也讓其子曰節度使
持物與徐母非結好也以汝為吾子前日兵敗灤
水士卒略盡不自悔復欲動眾兵忿者必敗吾將
囚為官老婢矣金勒感寤寤為罷兵

贊曰唐北禽頡利西滅高昌焉耆東破高麗百濟
威制夷狄方策所未有也交州漢之故封其外類
海諸蠻無廣土堅城可以居守故中國兵未嘗不
及唐稍弱西原黃洞繼為邊害垂百餘年及其亡
也以南詔詩曰惠中國以綏四方不以夷狄先
諸夏也

南蠻列傳第二百四十七下



書